



清 漢水慈雲寺沙門灌頂續法述疏

佛說觀無量壽佛經直指疏





清 浙水慈雲寺沙門灌頂續法述疏

佛說觀無量壽佛經直指疏

佛說觀無量壽佛經直指疏科判目錄

先略標章門

後詳釋義相十

初、教起因緣	七
二、藏乘分攝	八
三、辨定時會	九
四、教義分齊	十
五、所被機宜	十一
六、能詮體性	十二
七、宗趣通局	十三
八、翻譯傳授	十五
九、總釋經題	十六
十、別解文義(如表2)	十七
次別出譯人名代	十八
先總明部類差別	十九
廿五	廿九

表1

先略述大意

廿五

先證信序

廿六

初、閻王幽父

廿八

次、夫人往濟

卅一

三、閻王幽母

卅二

四、夫人求救

卅六

初、序分二

二、義文解別、十

後詳解
經文三

次發起序

二、正宗分(如表3)


先王宮流通

次靈山流通

一四六
一四七


表2


四分宗正、二




三、別明六十法觀成因分行四表

表4





十六、下生觀



觀經直指疏序

非佛作心。不厭娑婆而造十惡。非心作佛。不欣極樂而行十善者。凡夫也。佛外有心。知苦集而觀察三界如牢。心外有佛。慕滅道而不信他方刹土者。二乘也。是佛作心。度衆生而不住涅槃。是心作佛。修萬行而不住生死者。菩薩也。即佛即心。導三乘而入一乘。即心即佛。攝九界而歸佛界者。如來也。所以無量佛出淨土而來穢土。改濁還清。二大士引惡人而到善人。革凡成聖。國王現逆順之境。有感有應。世尊示折攝之門。爲避爲趨。是心作佛之教。於是乎興。是心是佛之理。於是乎顯矣。蓋教能詮行。理由觀彰。行開三種。觀分十六。行行稱真如之性。觀觀宗法界之心。日落懸鼓於西方。水起瑠璃於樂土。樹蓋現十方之塵刹。池水演三寶之玄音。地內映寶珠之色。界上總樓閣之

觀。華座本是願力所成。聖像不離心想而變。欲睹全體之金容。先瞻眉毫之玉相。觀音上頂於佛果。勢至下動於舍靈。然後普觀自身之能生。雜想三聖之所現。金剛臺上之上。寶蓮花中而又中。化佛流光。下品得往。總之境不離心。事依理顯。觀心妙也。時時住唯心之安養。究理盡也。念念見理具之阿彌。由此國太夫人。悟即心是佛。忍證無生。諸天侍女。了作佛是心。記發無上。真所謂火內之蓮花。海中之舟楫。病客之良醫。饑民之美膳。未有甚於此經者也。故得阿難受持於王宮。耶舍傳譯於宋世。天台智者。解說於隋朝。清涼國師。備釋於唐代。詎知言近而旨遠者。宜若登天之不及。文簡而義周者。奈何墜地以無聞。因之一心投佛。三復斯文。遵賢首之宗承。秉帝心之觀道。集成略疏。名爲直指。若曰智辨無礙。有慚往哲。法門增廣。無

愧今心。將使諸佛心內之衆生。在在觀即心之諸佛。衆生
心內之諸佛。常常迎作佛之衆生。生佛與心。同歸法界。是
則此疏之作。寧不爲西方之直指也歟。欲往彼國而慮乎蹊
徑者。請沉玩於斯焉。

時康熙癸亥年閏六月初八上弦日灌頂行者續法題於慈雲觀堂

佛說觀無量壽佛經直指疏卷上

清 浙水慈雲寺沙門灌頂續法述疏

歸命釋尊諸聖賢 西方無量佛菩薩

願承三寶大慈悲 冥被疏之與經合

傳流無盡法界中 見聞說者皆開豁

回茲勝德利群生 同證菩提安養樂

疏此經義 文分爲二 先略標章門

壹 · 略標章門

將釋此經。十門分別。**一**教起因緣。**二**藏乘分攝。**三**辨定時會。**四**教義分齊。**五**所被機宜。**六**能詮體性。**七**宗趣通局。**八**翻譯傳授。**九**總釋經題。**十**別解文義。

後詳釋義相十 **初**教起因緣

初。教起因緣者。華嚴云。非以一緣一事。而得成就如來出

貳 · 詳釋義相
甲 ¹ 教起因緣

乙¹娑婆苦、當厭捨
乙²安養樂、應欣取
乙³宣淨業、有勝劣
乙⁴示觀門、有淺深
乙⁵心作佛、成三昧
乙⁶心是佛、悟佛性
乙⁷稱佛名、頓饒益
乙⁸帶業生、漸斷證
乙⁹度七趣、到淨土
乙¹⁰引權小、歸佛界

甲²藏乘分攝

乙¹藏
丙¹三藏
丙²二藏

乙²乘

現。今說觀經。亦多因緣。一爲揀娑婆苦。多惡逆人。當厭捨故。二爲顯安養樂。聚佛菩薩。應欣取故。三爲宣揚三種淨業。前後有勝劣故。四爲開示十六觀門。事理有淺深故。五爲的明是心作佛。成念佛三昧故。六爲直指是心是佛。悟身中佛性故。七爲令信稱佛名。但十念。頓饒益故。八爲令知帶惑業。亦往生。漸斷證故。九爲度七趣男女。皆可到彼淨土故。十爲引三乘權小。盡得歸於佛界故。由茲十義。說此經也。

二藏乘分攝

二。藏乘分攝者。藏有二。一。三藏。經律論也。此經明觀。經藏所攝。二。二藏。聲聞。菩薩也。此觀三聖。菩薩藏攝。乘有四。一。小乘。聲聞四諦法也。如羊車。二。中乘。辟支因緣法也。如鹿車。三。大乘。菩薩六度法也。如水牛車。

四。一佛乘。諸佛菩提涅槃法也。如白牛車。今教念佛。疾成佛道。一乘所攝。分謂十二分教。一契經。二應頌。三授記。四諷頌。五因緣。六自說。七本事。八本生。九方廣。十未曾有。十一譬喻。十二論議。今此經者。契經。授記。因緣。方廣。未有。譬喻。六分所攝。何者。以是長行直說。侍女悉記。因請方施。廣陳觀法。臺光現界。冰類瑠璃故也。

三辨定時會

甲³辨定時會

乙¹時

丙¹日出先照時

丙²日昇轉照時

丁¹初轉照

丁²中轉照

丁³後轉照

三。辨定時會者。時有三。一。日出先照時。爲圓頓大根衆生。轉無上根本法輪。所謂初善。日初分時入也。二。日昇轉照時。爲下中上三類衆生。轉依本起末法輪。所謂中善。日中分時入也。此一時內。轉開三照。初轉照時。爲下根轉小乘法輪。中轉照時。爲中根轉大乘法輪。後轉照時。爲上

丙³日沒還照時

丙⁴此當中轉時說

乙₂會

丙¹華嚴會

丙²阿含會

丙³深密會

丙⁴妙智會

丙⁵法華會

丙⁶此當深密會攝

甲⁴教義分齊

乙¹約教詮法通局顯分齊

丙¹小乘教

丙²大乘始教

丙³終教

丙⁴頓教

丙⁵圓教

丙⁶本經屬後三教

根轉一乘法輪。三。日沒還照時。爲上上根衆生。轉攝末歸本法輪。所謂後善。日後分時入也。此當中轉時說。談念佛門。引攝凡小入大乘故。會有五。一。華嚴會。直顯教也。二。阿含會。隱實教也。三。深密會。引攝教也。四。妙智會。融通教也。五。法華會。開會教也。此當深密會攝。以方廣大教刹海之談。諸佛菩薩甚深行願。皆是引攝教。會諸法相故。應如法思之。

四 教義分齊

四。教義分齊者。開二。先。約教詮法通局顯分齊。教相有五。初。小乘教。但說我空。不顯法空故。二。大乘始教。但說法空。未能盡理故。亦名分教。但說法相。有不成佛故。三。終教。明如來藏。方盡極說故。亦名實教。悉當成佛。稱真實理故。四。頓教。唯辨真性。不談法相故。五。圓教。法

乙²約法生起本末顯分齊

丙¹唯一心為本源

丙²依一心開二門

丁¹心真如門

丁²心生滅門

丙³依後生滅門明二義

丁¹覺義

丁²不覺義

界性海。緣起無盡故。今此經者。屬後三教。是心作佛。終也。是心是佛。頓也。佛法界身。入一切衆生心想中。圓也。次。約法生起本末顯分齊。法義亦五。初。唯一心爲本源。所言法者。謂衆生心。是心則攝一切世間出世間法。即華嚴一眞法界無障礙心。圓教也。二。依一心開二門。一者。心真如門。所謂心性不生不滅。頓教分齊也。始教中空義。亦是密說此門。以空宗人。不知如來遣相處。以爲顯真性。故非彼分。二者。心生滅門。依如來藏故。有生滅心。所謂不生不滅。與生滅和合。非一非異。名爲阿梨耶識。終教分齊也。分教中識義。亦是密說此門。以相宗人。不知佛說如來藏。以爲阿賴耶。故非彼分。三。依後生滅門明二義。一者。覺義。謂心體離念。等虛空界。二者。不覺義。謂不如實知真如法。一故。破相宗齊此覺義。以爲清淨本然之。

丙⁴依後不覺義生三細

丁¹業相

丁²轉相

丁³現相

丙⁵依後現相生六麤

丁¹智相

丁²相續相

丁³執取相

丁⁴計名字相

丁⁵起業相

丁⁶業繫苦相

地。以彼宗未明眞空相。即眞如心性。故說諸法無不是空。縱有一法勝涅槃者。我亦說爲如幻如夢。凡所有相。皆是虛妄。離念相者。即是法身。依此法身。說名爲覺。故空宗詮法。唯齊覺義。四。依後不覺義生三細。一者。業相。二者。轉相。三者。現相。唯識宗齊此業相。以爲諸法生起之本。以彼宗未明此三細等與眞如。同以一心爲源。故說眞如無知無覺。凝然不變。不許隨緣。但說八識生滅。縱轉成四智。亦唯是有爲。不得即理。故相宗詮法。唯齊業識。五。依後現相生六麤。一者智相。法執俱生也。二者。相續相。法執分別也。三者。執取相。我執俱生也。四者。計名字相。我執分別也。上四皆惑道。五者。起業相。業道也。六者。業繫苦相。苦道也。小乘教唯齊第三。但斷我執。未證法空故。人天乘唯齊第五。但知善惡業相。不識二執惑故。下文

甲₅所被機宜

乙₁具三慧

丙₁聞
丙₂思
丙₃修

明法界無盡身佛。圓演三心六念百千陀羅尼法。即一心總相法也。徧滿虛空中大身佛。純說甚深第一義諦。即真如意也。無量無邊高出一切世界上身佛。具說大乘實相因果。即生滅也。高六十萬億那由他真實身佛。說大乘般若。發無上道心。即覺不覺義也。高恆河沙由旬具足身佛。說百法明門。住歡喜等十地。即三細義也。丈六身佛。說四諦門。具足戒法。即齊執名義也。八尺身佛。讚歸戒孝養仁慈善法。即齊業苦義也。此經通詮本末。義理深廣明矣。

五所被機宜

五。所被機宜者。料揀有二。一。具三慧。佛地論云。菩薩履三妙慧。得於淨土往還。一者聞。佛法歷於耳根識也。二者思。觀道想於心意內也。三者修。淨業行於身口外也。下文夫人請云。願遣爲說。令我見聞。教我思惟。教我正受。

乙²資三糧

丙¹信

丙²願

丙³行

如來誠曰。汝當諦聽。善思念之。一心受持。諦觀彼佛。後況顯說。但聞佛名。除無量罪。何況憶念。若無三慧。即非器矣。華嚴云。寧在諸惡趣。恆得聞佛名。不欲生善道。暫時不聞佛。二。資三糧。一者信。信有淨土。心不疑貳也。二者願。願求往生。心常樂欲也。三者行。行念佛法。心無間斷也。下云。深信因果。不謗大乘。善根迴向。發願往生。修行六念。具諸戒行。是知。信則地獄蒙光。脫苦往生。不信。雖二乘不生。如五百聲聞。不見舍那神力。願。則餓鬼畜生等。來生我刹中。不願。雖積行菩薩難往。出現品云。菩薩於無量劫行六波羅密。若此不思議大威德法門。不順不入。不得名爲真實菩薩。以不能生如來家故。行。則五逆邪定。亦能滅罪見佛。不行。雖禪戒人天亦被移他土。又有願行而無信。則從胎生處於疑城。有信行而無願。如悠悠念

甲⁶能詮體性
乙¹隨相門
丙¹聲名句文體

佛。臨終不得往生。有信願而無行。如衆多障礙牽纏。不念佛者。故具二缺一。具一缺二。皆非機也。華嚴云。雖住海水劫火中。堪受此法必得聞。其有生疑不信者。永不得聞如是義。若總收者。無論聞與不聞。信與不信。或順或違。或讚或毀。皆爲所被。毀如罵常不輕。違如十仙外道。不信者。大本云。疑城衆生。識其本罪。深自悔責。得離彼處。往詣佛所。不聞者。大本云。無量壽光照三途時。解脫衆苦。即得往生。故知成法破法。皆名涅槃。有性無性。齊成佛道。圓覺云。一切衆生。皆證圓覺。涅槃云。有佛性者。皆得成佛。此之謂也。

六能詮體性

六。能詮體性者。略開四門。一。隨相門。又三。初。聲名句文體。此之四法。皆屬能詮。體用假實。二相資故。下云。

丙²通攝所詮體
丙³六塵顯法體

乙²唯識門
乙³歸性門
乙⁴無礙門

讀誦大乘方等經典。二。通攝所詮體。若不詮義。文非教故。下云。善解義趣。三。六塵顯法體。光臺樹網。同演妙音故。下云。水流光明。寶樹亮雁皆說妙法。二。唯識門。前三教體。皆自識所變故。下云。但當憶想。令心眼見。見此事者。即見諸佛。三。歸性門。識性體空。唯真如故。下云。普聞衆聲。純說甚深第一義諦。四。無礙門。謂前理事交徹。心境圓融故。下云。滿虛空中水鳥樹林及與諸佛所出音聲。皆演妙法。與十二部經合。是則此經四門通取爲教體矣。

七宗趣通局

七。宗趣通局者。先通辨諸宗。有六。一。隨相法執宗。阿含俱舍諸經論也。二。唯識法相宗。深密瑜伽諸經論也。三。真空無相宗。般若中觀諸經論也。四。藏心緣起宗。勝

丙⁵真性寂滅宗

丙⁶法界圓融宗

乙²唯明此經

丙¹總

丙²別者五對

丁¹教義對

丁²事理對

丁³境智對

丁⁴行位對

丁⁵因果對

甲⁸翻譯傳授
乙¹部類差別

丙²部

丁¹大本

丁²小本

髮起信諸經論也。五。真性寂滅宗。楞伽佛性諸經論也。
六。法界圓融宗。華嚴十地諸經論也。今此經宗。當第四
門。經云。是心作佛。是心是佛故。後唯明此經。又有總
別。總以一心觀想念佛爲宗。願生西方見佛安樂爲趣。別
者五對。一。教義對。教修福作觀爲宗。達三種業十六門義
爲趣。二。事理對。舉觀行事相爲宗。顯法界理性爲趣。三。
境智對。所緣依正佛生境爲宗。能觀心眼分明智爲趣。四。
行位對。三心六念行爲宗。四果十地位爲趣。五。因果對。
不退道心。直至等覺因爲宗。生方見佛。圓成妙覺果爲
趣。此之五對。展轉相由生起者也。

八。翻譯傳授者。有二。一。部類。部。謂此觀無量壽佛經
也。類又二。一。大本。一名無量清淨平等覺經。後漢支婁
也。翻譯傳授者。有二。一。部類。部。謂此觀無量壽佛經

八翻譯傳授二 先總明部類差別

丙³亦部亦類者
丙⁴非部非類者

迦讖譯。二名無量壽經。曹魏康僧鎧譯。三名阿彌陀經。吳支謙譯。四名無量壽莊嚴經。宋法賢譯。二。小本。一名阿彌陀經。姚秦鳩摩羅什譯。二名稱讚淨土佛攝受經。唐玄奘譯。又亦部亦類者。鼓音聲王經也。非部非類者。寶積第五。無量壽如來會。楞嚴二十四。勢至念佛圓通章。華嚴行願品末。以十願王。導歸樂土。法華藥王品終。讀誦斯經。得見阿彌。是也。

乙²別出譯人名代

次別出譯人名代

二。譯人者。劉宋。西域三藏法師。畱良耶舍譯也。劉宋。標代。姓劉。國號宋。南北朝時也。西域。約處。三藏。顯德。通經律論故。佛法誨衆。名爲法師。畱良耶舍。此云時稱。出名。譯者。翻梵成華也。表行。名義集云。耶舍。西域人。性剛直。寡嗜欲。深善三藏。多所諳知。尤工禪思。宋文帝元

甲⁹總釋經題乙¹佛乙²說乙³觀乙⁴無量壽
丙¹無量
丙²壽光
丁¹壽

嘉元年。鐘山翻譯。僧含筆受。天台疏云。此本是宋元嘉時
畧良於揚州譯也。

九總釋經題

佛說觀無量壽佛經

九。總釋經題者。題名佛說觀無量壽佛經。佛者。覺也。覺了真妄性相故。佛地云。具二智。斷二障。覺二諦。得自他二利。如夢覺花開二喻。故名爲佛。即本師釋迦牟尼佛也。說者。悅也。八音遠被。暢悅佛口。及機心故。既云佛說。揀非菩薩天仙化人說也。觀。能觀智也。梵語阿彌陀。此云無量壽。亦云無量光。所緣境也。無量者。如來功德。無盡量故。壽光。略舉恆沙性德中一。應化。隨緣現爲壽命。有始有終。權智事法界觀。報身。以智慧爲壽命。有始無終。實智理法界觀。法身。真如性爲壽命。無始無終。中

戊¹
化
身
壽

道智理事無礙法界觀。法界身。法界心爲壽命。有無俱泯。
 法界無盡智事事無礙法界觀。若以兩佛料揀。一。化身壽。
 有量之有量。如釋尊八十唱滅。大論云。此間閻浮惡故。釋
 迦壽應短。阿彌陀佛亦有不嚴淨國。如釋迦佛身土。此則
 緣促同促也。二。應身壽。有量之無量。如阿彌無量無邊阿
 僧祇劫。大本云。聲聞緣覺。智力共算。計其壽命長遠之
 數。不能窮盡知其限極。法藏願云。設我壽有限量。下至百
 千億那由他劫者。不取正覺。涅槃云。西方去此三十二恒
 河沙。有無勝國。其中莊嚴。如安樂世界。我於彼土。出現
 於世。大論云。釋迦文佛。更有清淨國土。如阿彌陀佛國。餘
 處衆生好故。佛壽應長。楞嚴三昧經云。堅首菩薩問。佛壽
 幾何。佛令往東方。過三萬二千佛土。於莊嚴國。問照明莊
 嚴自在王佛。彼佛答云。如釋迦壽。我亦如是。汝欲知者。

我壽七百阿僧祇劫。堅首迴此白佛。阿難云。彼佛乃是釋迦異名。雖有齊限。人天莫數。此則緣長同長也。三。報身壽。無量之有量。金光明經。四佛爲信相菩薩說云。海滴山斤。地塵空界。可知其數。無有能知如來壽者。法華云。我成佛已來。甚大久遠。無量無邊百千萬億那由他阿僧祇劫。四。法身壽。無量之無量。涅槃經云。唯佛與佛。其壽無量。五。法界身壽。有量無量。俱泯不立。華嚴云。法界非有量。亦復非無量。牟尼已超越。有量及無量。光明有二。一者智光。二者身光。大本明阿彌陀具足五智。一佛菩提智。二大乘廣智。三不可稱智。四不思議智。五無等無倫最上勝智。由此故有五種慧光。緣照五教衆生法界也。身光又二。一常光。無放不放。如圓光百億三千界等。二放光。即眉間頂上口齒臍足之類。行者當以眞實智觀智光。

乙₅
佛丙₁
本覺佛丙₂
始覺佛丁₁
名字覺佛

方便智觀身光。佛亦三。一。本覺佛。涅槃云。一切衆生即是佛。如貧女舍寶。力士額珠。此則全覺全迷。起信云。依此平等法身。說名本覺。下云。是心是佛。二。始覺佛。依本覺內熏之力。發心觀行修證。此則覺而未盡者也。故起信云。不覺心源故。非究竟覺。下云。是心作佛。諸佛正徧知海。從心想生。於中又三。一。名字覺佛。大悲經云。一稱佛名。以是善根。入涅槃界。法華云。一稱南無佛。皆已成佛道。如須達聞名。身毛皆豎。下云。但聞佛名。除無量劫生死之罪。稱佛名故。除八十億劫生死之罪。起信云。凡夫人覺知前念起惡故。能滅後念。令其不起。稱爲名字覺也。二。相似覺佛。楞嚴云。若衆生心。憶佛念佛。現前當來。必定見佛。去佛不遠。二憶念深。如是乃至從生至生。同於形影。不相乖異。下云。汝等心想佛時。是心即是三十

丁₂
相似覺佛

丁³₃隨分覺佛

丙³₃究竟覺佛

二相。八十隨形好。起信云。二乘觀智。初發意菩薩等。覺於念異。以捨麤分別執著相故。名相似覺也。三。隨分覺佛。楞嚴云。心佛二同。善得中道。於大菩提。已得通達。覺通諸佛如來境界。如是菩薩順行而至。覺際入交。下云。見無量壽佛者。即見十方無量諸佛。現前授記。起信云。法身菩薩。覺於念住。以離分別麤念相故。名隨分覺也。三。究竟覺佛。歷超十二位。方盡妙覺道。如十五夜月。圓滿具足。此則無所不覺者也。起信云。菩薩地盡。滿足方便。一念相應。覺心生起。以覺心源故。名究竟覺。下云。佛法界身。入一切衆生心想中。今於三中。究竟佛也。經中詳十六觀。獨舉第九者。舉主該伴。舉正攝依。舉果徹因故。經者。梵語修多羅。此云契經。契有二義。一。上契諸佛之理。二。下契衆生之機。經復多義。佛地開二。一。貫穿。貫穿所說。

乙⁶₆經

丙¹₁契經二義
丙²₂佛地開二

丙³此方四義

乙₇對釋

丙¹能所對

丙²自他對

丙³心境對

丙⁴名德對

丙⁵一多對

丙⁶智辨對

法也。二。攝持。攝持所化生也。此方四義。一常。三世不易也。二法。十方同軌也。三徑。古今共由也。四典。遠近尊守也。若作對釋。共有六義。一。能所對。經字。能詮也。佛等。所詮也。亦名爲教義對。又名通別對。經則總通諸部。佛說等別局此本。二。自他對。就所詮義中。佛說。自國本師也。觀佛。他土教主也。亦名彼此對。東西對。三。心境對。亦名因果對。就觀彼西土佛中。觀字。因也。能緣心智也。壽佛。果也。所緣理境也。四。名德對。亦名同異對。就果境中。無量壽。果德也。獨自別有之號。異乎餘佛者。佛字。果名也。十號非唯自有。同共餘佛者。五。一多對。亦名揀顯對。就異德中。無量。多也。顯也。顯功德多無量也。壽字。一也。揀也。單明壽命無量。揀非光明。音聲。身相。智慧。方便。教門無量也。六。智辨對。亦名傳習對。就

甲¹⁰別解文義
乙¹略述大意
丙¹明科判
丁¹序分
丁²正宗分
丁³流通分

說此東土佛中。佛是能傳授人。二智暢本懷故。說是所受習法。四辨說無礙故。又以四法配之。佛說。教也。觀。行也。無量壽。理也。佛。果也。則知此一題內。人法雙標。因果齊列。下云。爲說經首題名。除卻千劫重惡。若不義盡理圓。豈得通爲一部之總稱哉。

十別解文義二 先略敍大意

十。別解文義者。先略敍大意。後詳解經文。敍意中。初明科判。次釋疏式。科判者。一卷三分。彌天高判。第一。序分。先序此經通別之由致也。第二。正宗分。由致既彰。當根受法。故次演一經所宗之正義也。第三。流通分。正宗既陳。務於利濟。使現在當來。弘傳不絕也。又正宗中。開爲四分。遠遵清涼。近稟雲棲。則信解行證。是此經之宗歸。爲念佛三昧之終始也。疏式者。準賢家疏經。式有四門。

丙²₁釋疏式

丁¹₂約教

丁²₃觀心

丁³₄出果

丁⁴₁稱理

乙²₁詳解經文

丙¹₂序分

丁¹₃證信序

初。約教。五教也。二。觀心。三觀也。三。出果。果證也。四。稱理。諦理也。始從如是我聞。終至禮佛而退。悉作四例。而今偶一及者。令人得意。不俟繁文。智者自能一一比知。直指之名。爲此設耳。上敍意竟。次當詳解也。

後詳解經文三 初序分二 先證信序

如是我聞。一時佛在王舍城。耆闍崛山中。與大比丘衆千二百五十人俱。菩薩三萬二千。文殊師利法王子而爲上首。

如是。指法辭。如所說者。皆是真實故。我聞。明授本。我。

昔阿難。親從佛聞故。一時。猶言當時。說聽時多。舉一該別也。梵語佛陀。秦言覺知。自覺覺他。先知知後義。即本土化主釋迦佛也。在。住也。梵語羅閱祇伽羅。此云王舍城。駁足王與千王。共立舍城。都五山中。爲大國故。亦云

戊²列大小聽眾以證信

摩竭提。此示不害。無刑殺法故。耆闍崛。翻名鷲頭。從形稱也。亦云靈鷲。佛昔爲鷲鳥。於此山中。孝養父母故。山中者。山有五峰。東名象頭。南名馬頭。西名羊頭。北名師子頭。中名鷲頭。山有五精舍。一者。天主穴山精舍。二者。七葉穴山精舍。三。蛇神穴山精舍。四。少獨力山精舍。五。耆闍崛山精舍。故云闍崛山中。此舉法主時處以證信也。

與者。共義。大者。揀小。道知用三。大多勝故。比丘者。論釋有三。一。乞士。乞食資身。乞法資心也。二。怖魔。出家離欲。衆魔怖畏也。三。破惡。見思惡業。悉皆破滅也。四人已上。名和合衆。事理無違。如水乳耳。千二百五十人者。佛初成道。度陳如五人。次度三迦葉兄弟。一。優樓於火龍窟。教徒五百。二。伽耶於象頭山。教徒三百。三。那提於希連河。教徒二百。次度舍利目連。各兼徒一百。次度耶舍長者。

子等五十人。經舉大數。故減五人。同時一處曰俱。菩薩。具云菩提薩埵。此云覺有情。廣覺一切有情故。三萬二千。數也。文殊師利。此云妙德。亦云妙首。又云妙吉祥。入法正位。名法王子。智德獨尊。故爲上首。此列大小聽衆以證信也。此六成就。諸經通有。亦名通序。

丁²發起序

戊¹闍王幽父

次發起序四 初闍王幽父

爾時王舍大城。有一太子。名阿闍世。隨順調達惡友之教。收執父王頻婆娑羅。幽閉置於七重室內。制諸群臣。一不得往。

己¹顯佛正在王城說法
己²幽父之因緣法業

庚¹阿闍世

爾時。顯佛正在王城說法。揀非遊化諸國時也。阿闍世者。此云未生怨。胎時已於父王。起怨害故。或婆羅留支。此云折指。生時王令撲之不死。折一指故。調達。具云提婆達多。此云天熱。生時人天熱惱故。亦云天授。從天乞授故。

辛¹自造三逆

辛²教他二逆

自造三逆。一。推山壓佛。石傷足指。二。蓮華色尼呵之。拳打眼出。三。別構五法。以誘五百新學。謂斷肉。斷鹽。不受五味。不受割截衣。不居聚落邊寺。破和合衆。教他二逆。

庚³頻婆娑羅

一。教王殺父。二。教王害母。故稱爲惡友。隨順教者。調達教言。我殺牟尼以作新佛。汝殺頻婆以作新王。闍王見其五通。取天花食。遂信其說。行殺逆也。頻婆娑羅。此翻顏貌端正。或云色相殊妙。亦曰模實。影堅。阿闍未生有怨。幽因也。隨順惡教。幽緣也。重室制往。幽法也。收執閉置。幽業也。經初以幽父爲發起者有二意。一者。頻婆昔於毗富羅山。遊行獵鹿。周遍無得。唯見一仙。生瞋惡心。怒其逐去。勅左右殺之。其仙臨終。誓言爲子。還以心口而害於汝。若不報怨。不能禁人無辜加害故。楞嚴謂怨害輪迴。食父母想。如土梟破獍等類。正此義也。二者。子若不逆。必

戊²夫人往濟

次夫人往濟

貪富貴。終不能令聞法得果。厭此娑婆苦故。如此殺無明父。利也大矣。

國太夫人。名韋提希。恭敬大王。澡浴清淨。以酥蜜和麩。用塗其身。諸瓔珞中。盛葡萄漿。密以上王。爾時大王。食麩飲漿。求水漱口。漱口畢已。合掌恭敬。向耆闍崛山。遙禮世尊。而作是言。大目犍連是吾親友。願興慈悲。授我八戒。時目犍連。如鷹隼飛。疾至王所。日日如是。授王八戒。世尊亦遣尊者富樓那。爲王說法。如是時間。經三七日。王食麩蜜。得聞法故。顏色和悅。

先。往濟飯食也。頻婆稱妻曰夫人。闍王稱母曰太夫人。韋提希。此云思惟。聞佛正受。善思惟故。敬者。頻婆常於佛所。種諸善根故。澡下。外以淨妙漿麩密供。表敬意也。爾

己¹往濟飯食

己²請求法食

庚¹請應

下次。請求法食也。初。請應。漱口。求法須淨三業故。遙禮。佛有天眼通故。目犍連。此云采菽氏。名拘律陀。無節樹也。禱此樹神生故。以友輔仁。名爲親友。揀上惡友也。

庚²赴感

慈則與法樂。悲則拔怨苦。經云。受此輪迴。由隨殺盜婬故。欲得菩提。要除三惑。故求授戒。時下。二。赴感。如鷹疾至。神足通也。八戒。謂不殺。不盜。不婬。不妄語。不飲酒。不著華香。不觀伎樂。不坐高床。戒也。不過中食。齋也。名爲八關戒齋。富樓那。翻滿慈。或滿願。諸弟子中。說法第一。故稱尊者。知有妙辯。令人法喜。故遣爲說。法者。善惡因果。真妄斷證法也。如下後。快得充餐也。飯食外資色身。法食內資慧命。故和悅。次以往濟爲發起者。孝敬夫主。是淨土因。王命不濟。淨業何從。如提胃獻佛麩蜜。佛與密成果記。又維摩言。法喜爲妻者。淨心以澡浴。

己³快得充餐

己⁴以往濟爲發起者

戊³闍王幽母

甘露法之食。解脫味爲漿。既悅可其意。乃發以道心。莫非
韋提希乎。

三闍王幽母

時阿闍世。問守門者。父王今者。猶存在耶。時守門人白
言。大王。國太夫人。身塗麩蜜。瓔珞盛漿。持用上王。沙門
目連。及富樓那。從空而來。爲王說法。不可禁制。時阿闍
世。聞此語已。怒其母曰。我母是賊。與賊爲伴。沙門惡人。
幻惑咒術。令此惡王。多日不死。即執利劍。欲害其母。時
有一臣。名日月光。聰明多智。及與耆婆。爲王作禮。白言。
大王。臣聞毗陀論經。說劫初以來。有諸惡王。貪國位故。
殺害其父一萬八千。未曾聞有無道害母。王今爲此殺逆之
事。汙刹利種。臣不忍聞。是旃陀羅。我等不宜復住於此。
時二大臣。說此語竟。以手按劍。卻行而退。時阿闍世。驚

怖惶懼。告耆婆言。汝不爲我耶。耆婆白言。大王慎莫害。

母。王聞此語。懺悔求救。即便捨劍。止不害母。勅語內官。

閉置深宮。不令復出。

己¹探父事實
庚¹闍王探問

庚²門人實答

己²怒母欲害

己³聽臣捨劍
庚¹諫勸

初。探父事實也。先。闍王探問。次。門人實答。不可禁者。
太后位尊。非如臣可禁約。羅漢神通。非重門能制止也。沙
門。華言勤息。勤修衆善。息滅諸惡故。時阿下。二。怒母欲
害也。向彼異謀謂之賊。竊與飲食名賊伴。違背我心稱爲
惡。劍欲害母不害父者。瞋其通信。母亡父不存故。不殺守
門人者。先未勑禁婦女沙門故。時有下。三。聽臣捨劍也。
初。諫勸。月光。智謀如月故。耆婆。此云能活。昔精醫道能
活他命故。是闍王庶兄。奈女所生子也。初詣得叉尸羅國。
師於阿提梨。學醫經七年。其師與一籠。及掘草之具。令遍
覓藥草。後於貨柴人所。一大束中。見有一木。光明徹照。

名爲藥王。對諸病人。照出身心一切症候。悉令除愈。毗陀

論。此云智論。即四韋陀典也。殺君父。名惡王。不忠孝。

名無道。刹利。秦言田主。王種也。旃陀羅。此云屠者。或云

殺者。魁膾也。不忍聞者。但令臣見。莫使人聞。穢名一傳。

輔相何顏。晉有司言。有子殺母者。阮籍曰。嘻。殺父乃可。

至殺母乎。文帝曰：殺父，天下之極惡，而以爲可乎。籍曰：

禽獸知母而不知父。殺父。禽獸之類也。殺母。禽獸之不

若。故此貶曰。不忍聞世傳名是旃陀也。不住有二。一。罪

及女人。二、刑加生母。按劍郤退者。國有諍臣。不得不用。

忠言以逆耳。示威德以止怒也。時下二畏從聽其言也。

厲則驚怖。觀其威也猛。則惶懼。賢臣去而國亡。名不爲。

耆下三重誠。慎誠也。直諫以誠警也。王下四止害。

懺是梵語。具云懺摩。此翻請忍。或云請恕。容恕我罪。願

庚₃
重誠

己⁴敕官幽閉
已⁵以此為發起者亦二意

忍勿瞋責也。悔是華言。百法中惡作也。厭先過失故。合之。身則懺謝。意則悔責。向白法名懺。捨黑法名悔。懺是求來。悔是改往。懺則慚天而興善。悔則愧人而罰惡。求救者。國唯以善人爲寶。豈可不哀留而受怨敵害也。勑下。後勑官幽閉也。三以此爲發起者。亦二意。一者。普超經云。阿闍世從文殊懺悔。得柔順忍。命終入賓吒羅地獄。即入即出。生上方佛土。得無生忍。彌勒出時。復來此界。名不動菩薩。後當作佛。號淨界如來。其迹既爾。本豈可量。權現害生母者。如我逆罪。尚通懺悔。況餘人輕重垢乎。若不容懺。佛道無從。二者。若不行逆。母於子女。起諸貪愛。何能求見佛僧。欣彼淨土樂乎。楞伽云。貪愛名爲母。斷即證實法。維摩言。行於非道。通達佛道。闍王之謂歟。設非權現。墜墮三途永無出期。豈能得忍而成正覺哉。

戊⁴夫人求救

四夫人求救

時韋提希。被幽閉已。愁憂憔悴。遙向耆闍崛山。爲佛作禮。而作是言。如來世尊。在昔之時。恆遣阿難來慰問我。我今愁憂。世尊威重。無由得見。願遣目連。尊者阿難。與我相見。作是語已。悲泣雨淚。遙向佛禮。未舉頭頃。爾時世尊。在耆闍崛山。知韋提希心之所念。即勅大目犍連。及以阿難。從空而來。佛從耆闍崛山沒。於王宮出。時韋提希。禮已舉頭。見世尊釋迦牟尼佛。身紫金色。坐百寶蓮華。目連侍左。阿難侍右。釋梵護世諸天。在虛空中。普雨天華。持用供養。

先。因禁求佛也。初。語誠求。心意悲苦曰愁憂。形容枯槁曰憔悴。安心名慰。探身名問。應攝受者。而攝受之。故恆遣教誡。阿難。此云慶喜。又云無染。佛成道日生。白飯王

己¹因禁求佛
庚¹語誠求

庚²₃意哀求

己²₃隨請來赴

庚¹₂遣徒來

庚²₃佛親降

庚³₂問答

子。如來堂弟也。多聞第一。故稱尊者。佛乃人天師。不爲一人。故威重無見。內居深宮。外避嫌疑。故求見二師。目連是佛上首。阿難是佛侍者。請之則無患焉。佛昔偏遣阿難來見。頻婆王敬信三寶。韋提夫人亦無故。而今非昔比也。作下。二。意哀求。不能離生死怨。故悲淚。不能得佛法樂。故向禮。未舉下。次。隨請來赴也。初。遣徒來。感應道交。難思議故。云未舉頃。佛之三智。無不知故。云知心念。道不虛行。遇緣應故。云勑空來。佛下。二。佛親降。山宮出沒者。十佛中隨樂佛。十身中意生身也。問。王與夫人。皆請弟子。何故王則遣徒。夫人自去耶。答。有三意。一。頻婆願受戒聞法。可遣人傳授。韋提願求生淨土。非佛難開示。二。於王若自往者。阿闍謂朋父謀政。怨嫌必重。致滅法僧。罪不可解。於夫人自往者。阿闍謂母無謀理。嫌

己³禮見主伴

庚¹能禮

庚²所見有五

辛¹佛身

辛²蓮座

辛³二聖

辛⁴諸天

辛⁵華供

己⁴以求救為發起者

恨尚輕。縱幽二親。罪猶可懺。三。王乃丈夫。可遣弟子教誠。則無餘嫌憎。夫人是女。必須師弟同來。自度諸疑謗。時韋下。後禮見主伴也。初句能禮。舉下。所見。有五。一。佛身。釋迦。翻能仁。姓也。從慈悲利物。故不住涅槃。牟尼。翻寂默。字也。取智慧冥理。故不住生死。悲智並運。立此嘉稱。紫金色者。清淨德性熏成。非是欲愛生故。二。蓮座。表念佛三昧。絕百非。具百法故。三。二聖。先度目連。故侍左。後度阿難。故侍右。四。諸天。釋。具云釋提桓因。此云能天主。能作三十三天主故。梵是西音。此云離欲。或云淨行。高淨。大梵天王也。護世。四大天王也。護持世界故。諸天。盡於三界天也。五。華供。天華有二。一曼陀羅。此云適意。白花也。二曼殊沙。此云柔軟。赤花也。或雨或供。皆表因趣果義。四以求救為發起者。令知負債含

丙²₁正宗分丁¹₁廣現十方佛土·令生信樂
戊¹₁夫人三問·詳三世事以請

怨。雖夫父最親。榮華已極。一旦對至。無可代受。毗奈耶偈云。假使百千劫。所作業不亡。因緣會遇時。果報還自受。唯除諸佛菩薩羅漢。堪令出離。楞伽云。若有實造五逆罪者。唯除覺了自心。遇善知識。方證解脫。楞嚴云。殺彼命者。除奢摩他。及佛出世。不可停寢。是以念佛求生。爲解怨釋結之要訣。超生脫死之良方也。統上四種發起事緣。獨此經有。餘所無者。亦名別序。

二、正宗分四 初廣現十方佛土·令生信樂分二 先夫人三問·詳三世事以請

時韋提希。見佛世尊。自絕瓔珞。舉身投地。號泣向佛。白言。世尊。我宿何罪。生此惡子。世尊復有何等因緣。與提婆達多。共爲眷屬。唯願世尊。爲我廣說無憂惱處。我當往生。不樂閻浮提濁惡世也。此濁惡處。地獄餓鬼畜生盈滿。多不善聚。願我未來。不聞惡聲。不見惡人。今向世尊。五

體投地。求哀懺悔。唯願佛曰。教我觀於清淨業處。

己¹追察過去業因

庚¹歸誠三業

庚²求示二因

先。追察過去業因也。初。歸誠三業。自絕去意地貪欲。以求佛心。舉身捨身中姪殺。以投佛身。號泣斷口內妄語。以依佛口。若不盡命歸罪苦。何由脫。白下。二。求示二因。

何罪。過去因。惡子。現在果。問自身眷屬因也。緣如前釋。世下。問如來眷屬因緣者。昔於定光佛時。耶若達欲嫁女。有年老梵志須摩提。求爲女婿。聰明而貌醜。時釋迦爲摩納童子。顏貌殊好。就珍寶仙人學習既成。從遠方來。遇見摩提論議。摩提言屈。耶若歡喜。以女妻之。摩提忿極。誓願當來生生惱害。摩提。調達是女者。瞿夷是。如出生經。共爲眷屬者。調達是佛從兄。阿難親兄也。釋氏譜及經律異相云。淨飯王生二子。長名悉達。次名難陀。白飯王二子。長調達。次阿難。斛飯王二子。長摩訶男拘利。次

阿那律。甘露飯王二子。長婆婆。次跋提。一女名甘露味。

又涅槃報恩法句經云。調達教閻王。放五百醉象。蹋殺如來。佛入慈定。舒手五指。出五師子。象見怖畏。後調達復

以毒藥著指爪中。意因禮拜。中傷佛足。往而未到。地自裂

開。生入地獄。故此問言。佛有何緣。與達多共眷屬也。應

知閻王達多。皆是逆行。一。令惡人不起逆罪。二。現逆行

爲攝惡類。故大雲稱不思議。法華與天王記。若果實造。輪

轉惡道不休。豈得世世同佛爲伴哉。唯願下。次。逆求未來

生處也。初。正求請。閻浮提。此云勝金。樹名。濁謂五濁。

劫見煩惱衆生命也。惡謂十惡。身三。殺盜婬。口四。妄言

庚²₁出所以

己²₁逆求未來生處

庚¹₁正求請

處。偏滿苦器故。二。餓鬼。梵語閻黎哆。此云祖父。或翻餓

庚³結欣厭

己³啟請現在教觀

鬼。長受飢餓故。三。畜生。梵語底栗車。此云畜生。爲人畜養故。亦云旁行。身行不正故。四。不善。五逆十重等。三途因也。願我下。三。結欣厭。邪教離。耳清淨。惡友離。眼清淨。今向下。後。啓請現在教觀也。兩肘兩膝頭頂爲五體。要知過去因。今生受者是。恐償未盡。故求懺。要知後世果。今生作者是。觀法不諳。故願教。滅除衆生暗。稱爲佛日也。清業。揀惡聲。則無憂。淨處。揀惡人。則無惱。

次如來一光現十方土爲答

戊²如來一光現十方土爲答

爾時世尊。放眉間光。其光金色。徧照十方無量世界。還住佛頂。化爲金臺。如須彌山。十方諸佛淨妙國土。皆於中現。或有國土。七寶合成。復有國土。純是蓮華。復有國土。如自在天宮。復有國土。如玻璃鏡。十方國土。皆於中現。有如是等無量諸佛國土。嚴顯可觀。令韋提希見。

初。總示能現也。眉。

眉下
有間

表中道。光。表智。觀佛海三昧。

經云。眉間毫相。長一丈五尺。如瑠璃筒。從中發光。金色者。表金剛觀察。徧照世界者。表智緣法界。此則一入一切也。佛頂。無見頂相。表第一義諦。金臺。表實相體。須彌。唐言妙高。山王也。東黃金。南琉璃。西白銀。北頗梨。隨方現色。佛土皆現者。表從體起用。此則一切入一也。或下。二。別舉所現也。七寶合成就者。如南方寶生佛土等。因示七菩提行。揀不善聚也。純蓮華者。如西方蓮華世界等。因開一乘佛教。揀惡業聲也。自在。他化天。如北方自在稱王世界等。因入大涅槃果。揀三途也。玻璃鏡者。如東方瑠璃佛土等。因悟如來藏心大圓鏡智。揀惡人也。十方者。上則別列四方。此則別盡餘方也。有如下。三。結成教觀也。莊飾曰嚴。煥麗曰顯。可觀。答觀。令見。答教。音聲。名有相。

教。光現。名無相教。今乃後一也。又問三答一者。現土自生欣樂。欣樂自信教觀。觀教自厭宿業。故舉中以該前後耳。

丁²略示三種淨業令發知解
戊¹韋提的求往生樂土

二、略示三種淨業令發知解分二 先韋提的求往生樂土

時韋提希白佛言。世尊。是諸佛土。雖復清淨。皆有光明。我今樂生極樂世界阿彌陀佛所。唯願世尊。教我思惟。教我正受。

己¹總揀去
己²別擇取

是下。總揀去也。清淨。斷德成就。光明。智德莊嚴。諸土共有者。我下。別擇取也。極樂者。梵語須摩提。此云安樂。安養。清泰。妙意。依報土名。阿彌陀。此云無量壽。亦云無量光。正報佛號。散心度量名思惟。約慧言。一心繫念名正受。約定言。

戊²如來直指西方淨業
己¹且令頻婆成果

次如來直指西方淨業二 先且令頻婆成果

庚¹₂微笑庚²₃光照

爾時世尊。即便微笑。有五色光。從佛口出。一一光照頻婆娑羅王頂。爾時大王。雖在幽閉。心眼無障。遙見世尊。頭面作禮。自然增進。成阿那含。

初。微笑。意有二。一。答夫人樂因。故歡笑。二。成大王樂果。故歡笑。初見不笑者。夫人欲自絕。佛又何笑言。有下。
 二。光照。不待答而先光照王者。令相見佛僧。斷疑釋結。
 一。令相悟世法。盡如幻夢。令相信善惡因果不惑。三。令相知各得修證利益。四。故也。五色。表破五陰苦而成五分法身樂。超五濁而得五清。從口。表法王子。皆從佛口法化生故。光照王頂。表一切智果。出人天上。最爲尊勝。爾下。
 三。成果。心眼無障者。即凡心而見佛心。依肉眼而見佛眼也。阿那含。此云不還。不來欲界受生死故。三果也。增進成者。佛知見光。增道損生。故令轉凡爲聖。從初至三也。

庚³₃成果

此猶約近成言。終歸大乘佛果。如蒙光天子。高超十地。足可徵矣。

己²正示韋提淨業

次正示韋提淨業二 先舉無量

量下當
有毒字

佛土果以教正受

庚¹舉無量壽佛土

果以教正受

爾時世尊。告韋提希。汝今知不。阿彌陀佛。去此不遠。汝當繫念。諦觀彼國。淨業成者。

辛¹教知佛果

壬¹約機緣心行

壬²約佛力加被

初。教知佛果。樂國去十萬億土外而云不遠者。一。約機緣心行。心則迷佛在心外。則遠。悟佛土唯心。則近。行則善力微無緣。則遠。善根熟有緣。則近。二。約佛力加被。初則佛頂臺中。現出佛土。令可觀見。次則佛出聲光。徹彼佛土。欲見即見。皆名爲近。除此盡遠也。憶佛念佛。現前當來。必定見佛。故教其解知。下云。是心是佛。真諦智知法身佛也。是心作佛。俗諦智知報化佛也。汝當下。二。教觀國土。彼國淨業成者。極樂國中。無量莊嚴。皆是無漏性德。

辛²教觀國土

庚²明三種淨業因以教思惟

熏成。清淨福業修成者也。事一心名繫念。念報化土。理一心名諦觀。觀法性土。不可以少善根福德因緣。得生彼國。故教其念觀也。此二詳下前十三觀。

次明三種淨業因以教思惟

我今爲汝廣說衆譬。亦令未來世一切凡夫。欲修淨業者。得生西方極樂國土。欲生彼國者。當修三福。一者孝養父母。奉事師長。慈心不殺。修十善業。二者。受持三歸。具足衆戒。不犯威儀。三者。發菩提心。深信因果。讀誦大乘。勸進行者。如此三事。名爲淨業。佛告韋提希。汝今知不。此三種業。乃是過去未來現在。三世諸佛淨業正因。

先舉益也。衆譬。指下後十四。五。六觀。現在益。亦令下。當來益。欲生下。次明修中。初標列。惡業謂之禍。善業謂之福。一下。二。釋義。一。共凡夫業。孝奉。尊親也。慈善。

辛¹舉益
壬¹現在益
壬²當來益
辛²明修
壬¹標列
壬²釋義
癸¹共凡夫業

愛物也。供職不怠。名孝養。服勞無違。名奉事。不殺。略

舉止善。十善。詳列行善。釋之。不殺盜婬。妄言綺語。兩舌。惡口。不貪瞋癡。十止善也。放生。布施。梵行。誠實。質直。和諍。柔軟。不淨。慈悲。因緣。十行善也。

癸²共小乘業

癸³共大乘業

二。共小乘業。三歸。佛法僧也。衆戒。比丘等戒。威儀。初中後際。行住坐臥內。各具二百五十戒律。共三千焉。三。共大乘業。菩提心。成等正覺心也。信誦。自覺心行。勸進。覺他心行也。此則兼利他。名世出世間上上福。爲上輩。次則唯自利。名出世福。爲中輩。初則人天。名世間福。爲下輩。如此下。三。結成。以此三福德。向彼佛土修。皆共成佛道。故同名淨業。佛告下。後歎顯。諸佛從心想生。是業從性起修。故是佛業。正因。心佛衆生。三無差別。修不明心。便同有作。故問知不。

辛³歎顯

壬³結成

丁³別明十六觀法·令成因行

戊¹如來誠勸
己¹總誠諦聽

三、別明十六觀法·令成因行分四 初如來誠勸三 先總誠諦聽

佛告阿難及韋提希。諦聽諦聽。善思念之。如來今者。爲未來世一切衆生。爲煩惱賊之所害者。說清淨業。善哉韋提希。快問此事。

佛下。誠今聽。真實曰諦。無邪曰善。聽。聞慧。有心耳異。須重誠。思慧可知。念。修慧。如來下。明當說。賊者。劫法財。戕慧命故。善哉下。讚前問。利益現未。宜稱善快。

次別勸阿難

阿難。汝當受持。廣爲多衆。宣說佛語。如來今者。教韋提希。及未來世一切衆生。觀於西方極樂世界。以佛力故。當得見彼清淨國土。如執明鏡。自見面像。見彼國土。極妙樂事。心歡喜故。應時即得無生法忍。

初。勸持說。領納法義曰受。捧執文句曰持。自利也。宣說。

庚¹勸持說
庚²出所以
辛¹示觀法
辛²明忍益

利他也。如來下。二。出所以中。先示觀法。觀兼事理。土通性相。然上淨業。是求生樂土因。此樂土。是淨業所感果。法也。執譬修持。鏡譬觀心。像譬土境。喻也。見彼下。後明忍益。得。證也。忍。智也。無生法。理也。慧心安此無生法性理故。名得無生法忍。華嚴云。無生忍者。不見有少法生。不見有少法滅。大彌陀經云。有三法忍。一音響忍。二柔順忍。三無生忍。鈍根者。成就二忍。利根者。得無生忍。三十四。四十八願云。聞我名字。不得菩薩無生法忍。

第一第二至第三者。不取正覺。信力入印度經云。無生忍法。則能清淨初歡喜地。仁王云。無生忍菩薩。所謂遠不動觀慧。遠即七遠行地。不動即第八地。觀慧即九善慧地也。應時者。圓頓入也。見土。是境妙。心歡。是因純。即得。是果熟。楞嚴云。身心快然。如來淨妙。皆現其中。是人

即獲無生法忍。此之謂也。

己³重示韋提

後重示韋提

佛告韋提希。汝是凡夫。心想羸劣。未得天眼。不能遠觀。

諸佛如來。有異方便。令汝得見。

凡夫肉眼不見障外。想心不得正受。菩薩天眼洞徹他土。

觀心入正定聚。此揀凡聖心眼不同也。諸佛如來。指彌陀
及餘佛三身。上約依報果。此約正報果也。方便有二。謂十
六觀門及佛加持力。觀則兼見法身。如解脫長者。隨意即

見。持則見報化身。如城東老母。背手皆見。異者。勝捷奇
妙也。起信云。如來有勝方便。謂以念佛因緣。常見於佛。

二、韋提啓請

時韋提希白佛言。世尊。如我今者。以佛力故。見彼國土。

若佛滅後。諸衆生等。濁惡不善。五苦所逼。云何當見阿彌

庚¹揀凡聖心眼不同

庚²釋方便

戊²韋提啟請

陀佛極樂世界。

己¹為現在自他請

己²為滅後眾生請

先。爲現在自他請。佛力。楞伽明二。一。入三昧。二。現身手。爲二持故。即見諸佛。般舟見佛論三力。一。佛威攝取力。二。念佛三昧力。三。本性功德力。初仗佛。次二約自。

今乏自力。故請方便門也。若下。次爲滅後衆生請。無仁義禮智信。名濁惡。殺盜婬妄飲酒。破五戒善。名不善。因也。五陰熾盛。生老病死。愛別離。怨憎會。求不得。名五苦。果也。衆生因果如濁水。如來依正如月影。感應因緣。兩不相逗。故須請。心水若淨。佛月自現矣。

三、如來詳示二 先總以標徵

佛告韋提希。汝及衆生。應當專心繫念一處。想於西方。云何作想。

汝下。標。汝生。人也。應下。法也。觀住於理名專心。想

戊³如來詳示
己¹總以標徵

己²_{別為解釋}

次別爲解釋十六 初日想觀

注於事名繫念。一處。文殊般若經謂一行三昧。知法界一相也。約能緣言。西方。境也。前六觀。依報功德。中七觀。正報相好。後三觀。三輩業行。約所想言。云何句。徵。

凡作想者。一切衆生。自非生盲。有目之徒。皆見日沒。當起想念。正坐西向。諦觀於日欲沒之處。令心堅住。專想不移。見日欲沒。狀如懸鼓。既見日已。閉目開目。皆令明了。是爲日想。名曰初觀。

庚¹_{日想觀}

觀經直指疏

卷上

辛²_{明觀}

初。標境。生育。揀非機。小本彌陀經。持名念佛一門已攝。有目。顯當機。昔有目而今盲者。亦爲所被。見日沒者。既見日從西沒。定知樂土。居西方矣。立日爲境。成事法界。當起下。次。明觀。想念西向。定能緣心。日欲沒相。定所緣境。未沒欲沒。似有如無。日相從西沒時。日性亦從西

壬¹真空絕相觀

壬²理事無礙觀

壬³周遍含容觀

辛³結成

沒。真空絕相觀也。心緣理。想緣事。堅住不移。深勝初起。日欲沒。事即理。狀如鼓。理即事。理事無礙觀也。已皆明了。超前中住。開目明日無心外之日。日日遍心。閉目了心無日外之心。心心舍日。開閉普融。日心無礙。周遍含容觀也。日作法界觀既爾。餘十五門例知之。是爲下後結成。

二、水想觀

次作水想。見水澄清。亦令明了。無分散意。旣見水已。當起冰想。見冰映徹。作瑠璃想。此想成已。見琉璃地。內外映徹。下有金剛七寶金幢。擎瑠璃地。其幢八方。八楞具足。一一方面。百寶所成。一一寶珠。有千光明。一一光明。八萬四千色。映瑠璃地。如億千日。不可具見。瑠璃地上。以黃金繩。雜廁間錯。以七寶界。分齊分明。一一寶中。有

五百色光。其光如華。又似星月。懸處虛空。成光明臺。樓閣千萬。百寶合成。於臺兩邊。各有百億華幢。無量樂器。以爲莊嚴。八種清風。從光明出。鼓此樂器。演說苦空無常無我之音。是爲水想。名第二觀。

庚²水想觀
辛¹標事境
辛²明觀門
壬¹先正作水觀
癸¹真空觀
癸²無礙觀
癸³周遍觀

初句。標事境。見下。明觀門二。先正作水觀。明了無分。能緣也。水。所緣。澄則不渾。清則不濁。真空觀也。既見水性。起冰相想。前句以理奪事。次句事能隱理。無礙觀也。見映。能作。琉璃。所作。不外琉璃之水冰。全體相在乎琉璃。不外冰水之琉璃。全體攝入乎冰水。周遍觀也。此想下。後兼想地境。水因地而權設。是地前方便觀道。地乃水之實法。爲水後正修行處。故可合明。意顯教觀。前後無不圓融者也。於中分三三·疑作二。先。明地內外映徹。下有下。次。明地上下莊嚴。又二。初。地下。初句。金剛爲基。七寶下。

壬²兼想地境
癸¹明地內外映徹
癸²明地上下莊嚴
子¹地下
子²地上

七寶爲幢。幢楞有八。擎八方地。放光如日也。瑠璃下。二。地上。先。金繩爲間。謂以黃金繩。間廁界道傍也。以七下。次。七寶爲界。界。階道也。瑠璃地上。有八交道。俱以七寶成也。小本云。四邊階道。四寶合成。於中連有四嚴。一。出妙華光。又似下。二。光成樓臺。於臺下。三。臺邊幢樂。八種下。四。樂宣法音。八風者。東明庶。東南清明。南景。西南涼。西闇闔。西北不周。北廣莫。東北條也。又魏譯大本。出八風相。文云。自然得風。徐微一。調和二。不寒三。不暑四。溫涼五。柔軟六。不遲七。不疾八。吹諸網樹。演布無量法音德香。樂器。謂金石絲竹匏土革木。苦空。舉一小乘法。以攝大乘常樂我淨等也。是爲下。結成想。

此想成時。一一觀之。極令了了。閉目開目。不令散失。唯三、地想觀

庚³地想觀
辛¹標境
辛²明觀
壬¹行布觀
癸¹真空觀
癸²理事觀
癸³周遍觀
壬²圓融觀

除食時。恆憶此事。如此想者。名爲麤見極樂國地。若得三昧。見彼國地。了了分明。不可具說。是爲地想。名第三觀。佛告阿難。汝持佛語。爲未來世一切大衆欲脫苦者。說是觀地法。若觀是地者。除八十億劫生死之罪。捨身他世。必生淨國。心得無疑。作是觀者。名爲正觀。若他觀者。名爲邪觀。

先標境。躡前地想。以爲今門所依事體也。一下。二明觀。二。先。行布觀。想冰作瑠璃地。地性本空。真空觀也。性空瑠璃地上。想出無量嚴相。理事觀也。地之内外上下。交相遍容。周遍觀也。前後次第作法界觀。故云一一。觀道深細。修須純一。故除衣食分散心時也。漸入假想。未得精妙。名曰麤見。若下。次。圓融觀。地性嚴無量相。亦空亦即。亦遍。同時具足。不外一心。故得此三昧。知見不可說矣。

辛³₄結成
顯益

壬¹₂勸傳持
出利益

癸¹₂滅罪益
生方益

壬³₄揀邪正

是爲下。三。結成。佛告下。四。顯益。先。勸傳持。若觀下。
次。出利益。有二。一。滅罪益。地是如實觀。能除斷。非
日水假想。不明滅。又結地以例餘前後觀。皆有此益也。捨
身下。二。生方益。無疑者。證信淨土唯心也。作是下。三。
揀邪正。觀境合經。見則斷惑證真。便稱淨業。名正觀。相
與經異。見則生諸愛慢。即爲魔事。名邪觀也。

四、樹想觀

佛告阿難及韋提希。地想成已。次觀寶樹。觀寶樹者。一一
觀之。作七重行樹想。一一樹。高八千由旬。其諸寶樹。七
寶華葉。無不具足。一一華葉。作異寶色。瑠璃色中。出金
色光。玻璃色中。出紅色光。碼碯色中。出碑磲光。碑磲色
中。出綠真珠光。珊瑚琥珀。一切衆寶。以爲映飾。妙真珠
網。彌覆樹上。一一樹上。有七重網。一一網間。有五百億

庚⁴樹想觀

辛¹標境

辛²起觀

壬¹總觀體性
壬²別觀用相

妙華宮殿。如梵王宮。諸天童子。自然在中。一一童子。五百億釋迦毗楞伽摩尼。以爲瓔珞。其摩尼光。照百由旬。猶如和合百億日月。不可具名。衆寶間錯。色中上者。此諸寶樹。行行相當。葉葉相次。於衆葉間。生諸妙華。華上自然有七寶果。一一樹葉。縱廣正等二十五由旬。其葉千色。有百種畫。如天瓔珞。有衆妙華。作閻浮檀金色。如旋火輪。宛轉葉間。涌生諸果。如帝釋瓶。有大光明。化成幢旛無量寶蓋。是寶蓋中。映現三千大千世界。一切佛事。十方佛國。亦於中現。見此樹已。亦當次第一一觀之。觀見樹莖枝葉華果。皆令分明。是爲樹想。名第四觀。

佛下。標境。地句。結前。次句。起後。觀寶下。起觀三。初。

總觀體性。行樹。立體。從心觀樹體。樹樹皆心性。真空觀也。一下。二。別觀用相。高葉華果。相也。童子幡蓋。用

癸¹高大
癸²枝葉
癸³光色

也。於中六。一。高大。其下。二。枝葉。一下。三。光色。瑠璃。此云青色寶。或云綠色寶。梵語蘇伐羅。此云金。玻璃。此云水玉。又云白珠。紅色者。梵語鉢摩羅伽。此云赤光。

珠。瑪瑙。梵語摩羅伽隸。具赤白二色。碑牒。此云大貝。青

白色寶。綠珍珠。梵語摩羅伽陀。大論云。此珠金翅鳥口邊出。綠色。能辟一切毒。珊瑚。梵語鉢擺婆福羅。此云珊瑚

樹。生海底。碧色。應法師云。初年青色。次年黃色。琥珀。

癸⁴羅網

子¹明體相
子²出重數
子³詳德用

觀經直指疏

卷上

丑¹宮殿

丑²童子

寅¹住處
寅²身衣

此云能勝。摩尼。此云離垢。淨離垢穢故。又云增長。增長威德故。楞嚴三昧云。帝釋於善法堂中。著釋迦毗楞伽摩。

梵語阿隰摩揭婆。其色紅瑩。妙真下。四。羅網。又三。一。明體相。妙真珠。梵語因陀尼羅。大論云。天赤珠。一下。

二。出重數。一下。三。詳德用。中開二。一。宮殿。諸天下。

二。童子。又四。一。住處。一下。二。身衣。釋迦毗楞伽。

寅³光明
寅⁴寶色
癸⁵次第

癸⁶花果

子¹先總

子²次別

丑¹葉

丑²花色

丑³果實

丑⁴光明

寅¹化成幡蓋
寅²映現國事

壬³遍觀性相

尼瓔珞。其下。三。光明。不可下。四。寶色。初句總貫。次二句別顯。謂衆寶物不可具說。間錯狀不可具引。色情相不可具言也。此下。五。次第。大本云。行行相值。莖莖相望。枝枝相準。葉葉相向。華華相順。實實相當。皆明行伍相也。於下。六。花果。中又二。先總。一下。次別。分四。

一。葉形量大色多可知。畫。線條也。有衆下。二。花色。閻浮檀。此云勝金。閻浮樹果水汁。點物成金。因流入河。染石爲金。其色赤黃。兼帶紫燄。涌生下。三。果實。帝釋天有一器。名功德瓶。隨所須物。皆從瓶出。花涌衆果亦爾。

有下。四。光明。又二。先。化成幡蓋。是寶下。次。映現國事。三千。極樂本土也。十方。餘外鄰邦也。以上六門相用。事非理性外有。一真體性。理非事相外顯。無礙觀成矣。見此下。三。遍觀性相。初句見樹性相。結前也。亦下。起後。

壬⁴結成

也。一一觀。指七重行樹。七七相重。重重無盡矣。樹莖等。指六門相用。彼此遍容。一多即入也。皆令明者。周遍觀成也。是爲下。結成。

五、池水觀

次當想水。欲想水者。極樂國土。有八池水。一一池水。七寶所成。其寶柔軟。從如意珠王生。分爲十四支。一一支。作七寶妙色。黃金爲渠。渠下皆以雜色金剛。以爲底沙。一水中。有六十億七寶蓮華。一一蓮華。圓正等十二由旬。其摩尼水。流注華間。尋樹上下。其聲微妙。演說苦空無常無我諸波羅密。復有讚歎諸佛相好者。如意珠王。涌出金色微妙光明。其光化爲百寶色鳥。和鳴哀雅。常讚念佛念法念僧。是爲八功德水想。名第五觀。

次句。境也。欲下。觀也。先。總體。想八池水性。唯無相心

庚⁵池水觀

辛¹₂觀

壬¹總體

壬²別相

癸¹池水

子¹能造體

子²所流相

癸²渠流

癸³蓮花

癸⁴泉聲

子¹明灌注隨意

子²明音聲演法

癸⁵鳥音

成。眞空觀也。一下。次。別相五。初。池水。又二。先。能造體。柔軟者。稱心適意故。如意珠者。梵語摩尼。自在曰王。珠中最勝故。圓覺云。摩尼寶珠。映於五色。隨方各現。分下。次。所流相。支派也。黃金下。二。渠流。雜色者。許慎云。金有五色故。一下。三。蓮花。其下。四。泉聲。先。明灌注隨意。其聲下。次。明音聲演法。苦空。小乘法也。波羅密。大乘始終法也。相好。一乘圓頓法也。如下。五。鳥音。哀雅讚者。哀則讚佛大悲拔苦。讚法解脫二死。讚僧悲增化他。雅則讚佛大慈與樂。讚法證得二果。讚僧智增自行。通上五門。具二觀法。事相即理性。理性即事相。無礙觀也。此一即彼多。彼多即此一。周遍觀也。至此觀勝根利。故得合轍。不須次第徧歷。是爲下。結也。八功德者。唐譯云。一。澄淨。澄渟潔淨。離汚濁故。二。清冷。清湛涼冷。

壬³結成

無煩熱故。三。甘美。甘甜美妙。具上味故。四。輕軟。輕巧柔軟。可上下故。五。潤澤。津潤滑澤。不枯澀故。六。安和。安靜和緩。絕迅汎故。七。除飢。除飢渴病。有勝力故。八。

長養。諸根長養。調身心故。

六、總相觀

衆寶國土。一一界上。有五百億寶樓。其樓閣中。有無量諸天。作天伎樂。又有樂器。懸處虛空。如天寶幢。不鼓自鳴。此衆音中。皆說念佛念法念比丘僧。此想成已。名爲麤見極樂世界寶樹寶地寶池。是爲總觀想。名第六觀。若見此者。除無量億劫極重惡業。命終之後。必生彼國。作是觀者。名爲正觀。若他觀者。名爲邪觀。

初。明觀。二。先。別觀寶樓閣。界上。謂界道內地面上也。五百億。重數也。其下。樓中諸天作樂也。又下。空裡樂器。

庚⁶總相觀

辛¹明觀
壬¹別觀寶樓閣

壬²₂總結池地樹
辛²₂結成
辛³₃顯益
壬¹₁滅罪
壬²₂生方
辛⁴₄揀取

自鳴也。此下。樂內演出三寶聲也。衆音。指天樂空樂二種音。樓閣天樂。事法界。爲所緣境。一一唯心性成。理法界。真空觀。事相遍於理。理性遍於事。事理法界。無礙觀。理如事相無盡。事如理性圓遍。事事法界。周遍觀。皆能修觀。此既總門。故能所不分。境觀圓融也。此下。後。總結池地樹。望後諸觀。此猶約略見依土事。未及詳悉正報。名麤。樹地池樓一齊見者。境觀後後勝前前故。較前第三見地。前是麤中麤。此則麤中細矣。是爲下。二。結成。望前次第別相觀者。今則四事同時具足。名總。若見下。三。顯益。先。滅罪。命下。次。生方。作下。後揀取。正則取。邪則揀也。

七、華座觀二 初示現正報果發起信解

佛告阿難及韋提希。諦聽諦聽。善思念之。吾當爲汝分別

解說除苦惱法。汝等憶持。廣爲大衆分別解說。說是語時。
 無量壽佛住立空中。觀世音大勢至。是二大士。侍立左右。
 光明熾盛。不可具見。百千闔浮檀金色。不得爲比。時韋提
 希見無量壽佛已。接足作禮。白佛言。世尊。我今因佛力
 故。得見無量壽佛及二菩薩。未來衆生。當云何觀無量壽
 佛及二菩薩。

庚⁷華座觀

辛¹示現正報果發起信解

壬¹如來許示

壬²三聖現前

先。如來許示。諦聽善念。誠也。爲汝別說。許也。苦。三苦
 八苦等。果也。惱十使煩惱等。因也。除苦。轉生死得涅
 槃。除惱。轉惑業成菩提。汝等下。勸也。上自行。此利他。

說是下。次。三聖現前。悲華經云。過去劫中。世界名刪提
 巍。劫名善持。輪王名無諍念。生有千子。臣名寶海。唯生
 一子。號曰寶藏。出家成道。還號寶藏如來。爲王說法。其
 王千子。各各供養。經三月已。佛欲爲記。先入三昧。光中

現界。或有濁惡。或有淨妙。王問其因。佛言。皆以願力度衆生故。王言。我願成佛。不取不淨佛土。願世界淨妙。無四惡道。亦無女人。等一化生。壽命無量。宮殿莊嚴。如第六天。聞我名者。必生我界。唯除五逆。誹謗聖人。破壞正法等。王發願已。佛即告曰。大王。汝見西方。過百千萬億佛土。有尊音王如來。世界嚴淨。悉如汝願。四佛滅後。過二恆河沙阿僧祇劫中。世界轉名安樂。汝當作佛。號無量壽如來。次授輪王千子中。第一不眞太子記曰。汝觀六道。生大悲心。斷諸苦惱。令安樂故。今當字汝爲觀世音。無量壽佛般涅槃後。二恆河沙阿僧祇劫。於夜初分。正法滅已。於夜後分。其土轉名一切珍寶之所成就。種種莊嚴。勝安樂界。於一念頃。便成正覺。號徧出一切光明功德山王。如來。壽九十六億那由他百千萬億劫。又告第二尼摩太

子。由汝願取大千界故。今當字汝爲大勢至。功德山王佛滅度後。汝當成道。號善住珍寶山王如來。如是次第授千子中。有願取五濁成佛者。即我釋迦文是(註)。以大悲故。

土名婆婆。生佛忍於三毒諸煩惱惡。故名忍土。今佛將說三聖諸觀。故現身相以證信也。閻浮金不得比者。閻浮檀金。展轉比至迦葉身金。猶如聚墨。況佛光耶。智論云。閻浮提金。比七金山須彌山金則不現。須彌山金。比忉利天瓔珞金。乃至燄摩他化自在金則不現。諸天身金。比聲聞辟支菩薩身色則不現。在佛光邊。譬如焦炷。比閻浮金。時下。後。韋提禮請。接足。頂禮三聖足也。白佛。仰白釋迦尊也。因佛者。目睹觀則易。自可緩。未來者。未見觀則難。他須示。故須代請。然云觀佛菩薩。揀前兼請觀極樂界。

壬³韋提禮請

辛²正說華座觀令成修證

壬¹正明觀境

編註：依悲華經載，寶海梵志即釋迦佛之前身，爲寶藏佛之父，非輪王干子。

次正說華座觀令成修證二 初正明觀境

佛告韋提希。欲觀彼佛者。當起想念。於七寶地上。作蓮華想。令其蓮華。一一葉上。作百寶色。有八萬四千脈。猶如天畫。脈有八萬四千光。了了分明。皆令得見。華葉小者。縱廣二百五十由旬。如是蓮華。具有八萬四千葉。一一葉間。有百億摩尼珠王。以爲映飾。一一摩尼珠。放千光明。其光如蓋。七寶合成。徧覆地上。釋迦毗楞伽寶。以爲其臺。此蓮華臺。八萬金剛甄叔迦寶。梵摩尼寶。妙真珠網。以爲校飾。於其臺上。自然而有四柱寶幢。一一寶幢。如百千萬億須彌山。幢上寶幔。如夜摩天宮。復有五百億微妙寶珠。以爲映飾。一一寶珠。有八萬四千光。一一光。作八萬四千異種金色。一一金色。徧其寶土。處處變化。各作異相。或爲金剛臺。或作真珠網。或作雜華雲。於十方面。隨意變現。施作佛事。是爲華座想。名第七觀。

癸¹標境

癸²明觀

子¹觀花葉

丑¹顏色

丑²脈絡

丑³形量

丑⁴瓣數

丑⁵珠鬚

子²觀蓮臺

丑¹臺

丑²網（內含四相）

寅¹房面金剛為孔

寅²透出赤色肉尖

寅³內以摩尼為肉

寅⁴真珠為肉衣網

丑³幢

丑⁴幔

先標境。初三句牒所請。次二句示未問。佛所坐者。蓮臺為座。故當想蓮花也。令下。次明觀。二初觀花葉。開五。初顏色。有八下。二脈絡。中又二。先畫路。脈有下。次光明。花葉下。三形量。直淺曰縱。橫闊曰廣。如是下。四瓣數。一下。五珠鬚。三先映影。一下。次放光。其下。三現蓋。釋下。二觀蓮臺。有九。初臺。即房也。此下。次網。內含四相。一房面金剛為孔。二透出赤色肉尖。甄叔迦。此云赤色。西域有叔迦樹。其花色赤。形大如手。此寶似之。要解云。翻鸚鵡寶。赤如其嘴故。三內以摩尼為肉。梵者。白淨之謂。四真珠為肉衣網。校飾於外也。於其下。三幢。前觀寶樹。止高八千由旬。今寶幢高百千萬億山王。觀境展轉深勝可知。幢上下。四幔。夜摩。此云妙善時分。時時唱快樂故。幔中受樂。如彼天也。

丑⁵珠
丑⁶光
丑⁷色
丑⁸瑞
丑⁹益
癸³結成

復下。五。珠。幢慢周圍。皆有如意珠瓔珞垂也。一下。六。
光。一下。七。色。一下。八。瑞。謂變臺網雲種種異瑞相
也。於下。九。益。見臺。則悟如來妙覺果。見網。則解心地
衆法門。見雲。則知菩薩萬行因。故隨現佛事。機無不被其
澤也。上想花葉蓮臺。一本無自性。真空觀焉。依此空無
自性。想成花臺相用。理事觀焉。花臺幢慢珠光。一皆遍
法界。周遍觀焉。是爲下後結成。

二、重出所由

佛告阿難。如此妙華。是本法藏比丘願力所成。若欲念彼
佛者。當先作此華座想。作此想時。不得雜觀。皆應一一觀
之。一一葉。一一珠。一一光。一一臺。一一幢。皆令分明。
如於鏡中。自見面像。此想成者。滅除五萬億劫生死之罪。
必定當生極樂世界。作是觀者。名爲正觀。若他觀者。名爲

邪觀。

先。華座因也。華臺不可思議。名爲妙華。亦事亦理。亦因亦果。亦依亦正。亦多亦一故。法藏願力者。魏譯大本云。
 王²重出所由
 癸¹先華座因
 癸²修觀法
 子¹作三法界觀
 子²作圓融法界觀
 癸³成利益

過去定光佛出。至五十三佛。名世自在王。時有國王。發心出家。號曰法藏。佛爲廣說二百一十億諸佛刹土。天人之善惡。國土之粗妙。法藏聞已。即說四十八願。今已成佛。現在西方安樂世界。衆寶蓮華。周滿世界。故依正二報。皆佛行願功德成也。若欲下。二。修觀法也。佛坐蓮臺。如諸天隨身宮殿。故當前觀。不得雜觀應一一者。謂華葉中色脈量數珠光。蓮臺內房網幢慢光色。皆應一一作三法界觀也。此爲初機鈍根者說。一下。葉珠臺幢一一皆分明者。作圓融法界觀。揀上行布觀。故如鏡中。頓現面上眼耳鼻口眉鬚髮頂像也。此爲後心利根者說。此想下。三。成利益。

子¹現在滅罪

子²當來生方

發⁴揀邪正

先現在滅罪。前地觀除八十億劫者。初見彼國地故。次總觀除無量億劫者。通見彼國依報諸境故。今觀除五萬億劫者。始見彼佛一華座故。較前則勝。於次則劣。然是佛智如量說耳。非餘者所可道也。必下。次當來生方。作是下。四。揀邪正也。

八、聖像觀

佛告阿難及韋提希。見此事已。次當想佛。所以者何。諸佛如來。是法界身。入一切衆生心想中。是故汝等心想佛時。是心即是三十二相。八十隨形好。是心作佛。是心是佛。諸佛正徧知海。從心想生。是故應當一心繫念。諦觀彼佛多陀阿伽度。阿羅訶。三藐三佛陀。想彼佛者。先當想像。閉目開目。見一寶像。如閻浮檀金色。坐彼華上。見像坐已。心得眼得開。了了分明。見極樂國七寶莊嚴。寶地寶池。寶樹行

庚⁸聖像觀

辛¹標境
辛²明觀

列。諸天寶幔彌覆其上。衆寶羅網滿虛空中。見如此事。極令明了。如觀掌中。見此事已。復當更作一大蓮華。在佛左邊。如前蓮華。等無有異。復作一大蓮華。在佛右邊。想一觀世音菩薩像。坐左華座。亦作金色。如前無異。想一大勢至菩薩像。坐右華座。此想成時。佛菩薩像。皆放光明。其光金色。照諸寶樹。一一樹下。亦有三蓮華。諸蓮華上。各有一佛二菩薩像。徧滿彼國。此想成時。行者當聞水流光明。及諸寶樹。鳬鴈鴛鴦。皆說妙法。出定入定。恆聞妙法。行者所聞。出定之時。憶持不捨。令與修多羅合。若不合者。名爲妄想。若與合者。名爲麤想。見極樂世界。是爲像想。名第八觀。作是觀者。除無量億劫生死之罪。於現身中。得念佛三昧。

初。標境也。見句。結前。次句。起後。所下。次。明觀。二。

壬¹徵壬²釋癸¹先修觀想子¹佛身丑¹真佛寅¹先總明諸佛卯¹直標佛身遍入生心

初。徵也。諸下。二。釋。二。先。修觀想。又四。一。佛身。
 二。初。真佛。又二。先。總明諸佛。二。初。直標佛身遍入
 生心。亦明佛即是心也。法界身者。即是無障礙法界身
 也。以無障礙法界爲體。含四法界。理法界法身。事法界化
 身。理事無礙法界報身。事事無礙法界十身。華嚴疏云。此
 法界無盡身雲。真應相融。一多無礙。即理即事。即人即
 法。即此即彼。即因即果。即有情即非情。即三身即十身。
 究竟覺也。心。本覺。想。始覺。起信云。所謂覺義者。謂心
 體離念。離念相者。等虛空界。無所不徧。法界一相。即是
 如來平等法身。入者。華嚴云。普見一切衆生諸煩惱中。有
 如來身智。常無染汙。德相備足。無一衆生而不具有如來
 智慧。是知心佛衆生三無差別矣。是故下。次。轉釋心想佛
 即全彰。亦明心即是佛也。心想四句。明心即是佛化身。想

卯²轉釋心想佛即全彰

佛。從性起修也。即是。全修即性也。衆生念佛。佛在衆生心內矣。是心四句。明心即是佛報身。修成曰作。性有曰是。生。通二義。新熏而後造就名出生。本具於今得顯名現生。心不想而佛不作。故云是心作佛。佛徧知海從生。華嚴云。諸佛如來。不離此心成正覺故。無有心外佛爲佛證心。

故云是心是佛。佛正知海從生。圓覺云。始知衆生。本來成

佛。是故下次。別明彌陀。念觀。能緣智。繫念不斷。名事一心。諦觀不二。名理一心。多下。所緣境。多陀阿伽度。

秦翻爲如來。金剛云。無所從來。亦無所去。故名如來。法

身也。即真如門體大。理法界。阿羅訶。秦翻應供。應受一

切魔梵人天諸供養故。化身也。即生滅門中用大。事法

界。三藐三佛陀。秦翻正徧知。如理智名正知。如量智名徧

知。報身也。即生滅門中相大。理事無礙法界。開雖有三名

寅²_{別明彌陀}

卯¹_{能緣智}

卯²_{所緣境}

辰¹_{真如門體大。理法界}

辰²_{生滅門中用大。事法界}

辰³_{生滅門中相大。理事無礙法界}

辰⁴_{大總相門一心。事事無礙法界}

丑²
應佛子²
依土
子³
二士子⁴
三聖

義。合實唯一法體。即成法界身。是大總相門一真法界心。事事無礙法界。故華嚴云。十方諸如來。同共一法身。一心一智慧。力無畏亦然。斯之謂矣。想彼下。二。應佛。法界身。無盡難思。法性身。離相莫測。故當取應身。先為觀想寶像。如下所說莊嚴八萬相好。法報化身。並依之顯現故。出觀入觀。開目閉目。無不知見。故云心眼明也。見極下。二。依土。正覺業報佛。眼尚能觀。況前想池樹幔網。法界本性佛。心猶能見。況前想樂土總境。此又倍前無數。故重表云。見如此事彌覆滿空。如指掌也。見此下。三。二士。先想二蓮華座。座想已說。故云如前。想下。次想二大士像。像想已說。故云如前。此想下。四。三聖。上皆偏觀。此則普觀。境觀增明。主伴無盡。故云一一徧滿。從前想像。至此四門。事法界也。一一皆有三法界觀。像唯想生。性本

空寂。眞空也。性雖空寂。隨想像遍。理事也。想像如性。遍容無礙。周遍也。清涼國師。疏觀經至此。開五種念佛門。

一。緣想境界念佛門。上從一心念觀彼佛至此文也。二。攝境唯心念佛門。文云。是心作佛。諸佛徧知從想生也。三。心境無礙念佛門。文云。心想佛時。是心即是三十二相。八十隨形好也。四。心境俱泯念佛門。文云。是心是佛。諸佛正知從心生也。是心。則佛相泯絕無寄。是佛。則心相當體全空。二相不存。二性顯矣。五。重重無盡念佛門。文云。諸佛如來。是法界身。入一切衆生心想中。以此觀觀宗乎法界。事事歸乎自心也。此想下。後。聞法益。初。出利益。

今人偶一隨喜見聞。尚於夢中。見諸如來。坐師子座。圍繞說法。況此想像觀耶。楞嚴云。憶佛念佛。現前當來。必定見佛。華嚴云。若有衆生。專心憶念。則佛現其前等。因果

癸²₁後聞法益

感應。法爾然也。行者下。二。令揀別。像禪觀中。佛威光力。佛本願力。諒無魔事。然有宿障深厚。或不善用心。容有魔起。未可定也。須令揀別。自無患耳。辨之有二。一。見佛聞法。不與經教相合者。是爲魔事。二。不與本所修觀相符者。亦屬魔事。楞嚴云。十方遍作閻浮檀色。一切種類。化爲如來。忽於空中。聞說法聲。或聞十方。同敷密義。斯但功用。暫得如是。非爲聖證。不作聖心。名善境界。若作聖解。即受群邪。總見彼界佛菩薩像。猶未精純細。名曰麤也。是爲下。三。結成。作是下。四。顯益。先滅罪。例前第六觀。於現下。次成定。念佛三昧。亦名一行三昧。文殊般若經云。佛告文殊。欲入一行三昧者。應處空閒。繫心一佛。隨彼方所。端身正向。能於一佛念念相續。即見過現未來諸佛。若得是三昧者。諸經法門。皆悉了。

辛³結成辛⁴顯益壬¹先滅罪壬²次成定

知。如威光太子。於波羅密善眼莊嚴王佛所。得念佛三昧。
十千法門。皆得通達是也。

佛說觀無量壽佛經直指疏卷下

清 浙水慈雲寺沙門灌頂續法述疏

九、佛身觀

佛告阿難及韋提希。此想成已。次當更觀無量壽佛身相光明。阿難當知。無量壽佛身如百千萬億夜摩天闔浮檀金色。佛身高六十萬億那由他恆河沙由旬。眉間白毫。右旋宛轉。如五須彌山。佛眼如四大海水。清白分明。身諸毛孔。演出光明。如須彌山。彼佛圓光。如百億三千大千世界。於圓光中。有百萬億那由他恆河沙化佛。一一化佛。亦有衆多無數化菩薩以爲侍者。無量壽佛。有八萬四千相。一一相中。各有八萬四千隨形好。一一好中。復有八萬四千光明。一一光明。徧照十方世界念佛衆生。攝取不捨。其

光相好。及與化佛。不可具說。但當憶想。令心眼見。見此事者。即見十方一切諸佛。以見諸佛故。名念佛三昧。作是觀者。名觀一切佛身。以觀佛身故。亦見佛心。佛心者。大慈悲是。以無緣慈。攝諸衆生。作此觀者。捨身他世。生諸佛前。得無生忍。是故智者。應當繫心。諦觀無量壽佛。觀無量壽佛者。從一相好入。但觀眉間白毫。極令明了。見眉間白毫相者。八萬四千相好。自然當現。見無量壽佛者。即見十方無量諸佛。得見無量諸佛故。諸佛現前授記。是爲徧觀一切色身相。名第九觀。作是觀者。名爲正觀。若他觀者。名爲邪觀。

初。標境。此句結前。次句起後。佛身。即佛地論說。生身非法身。爲物生成故。形有高廣量故。亦光明經謂。應身非化身。應正等覺故。壽有始終數故。此乃應生淨化土也。法身

庚⁹
佛身觀
辛¹
標境

清淨如虛空。居法性土。無始無終。自報相好無邊量。居自

受用土中。他報隨地見勝劣。居他受用土中。皆有始無

終。化身隨類變大小。居通淨穢二變化土。有始有終。法界

身普融無盡。居無障礙法界土。亦無始終。故此偏觀三聖

應真具足身相。餘法報等並不談也。其實祇此一應身上。

亦化亦報。亦法亦法界。但隨五教機宜。所見成異。經云。

吾今此身。即是常身法身。須如理思之。阿難下。二。明觀。

二。初。直令中上根總以身心觀。二。先。觀佛身。三。初。

別明身相。七。初。身色。夜摩天金。超過日月而倍萬億。輝

豔叵思矣。佛身下。二。形量。那由他。垓數。此云萬億。由

旬。此云限量。大者八十里。中者六十里。下者四十里。較

二大士。少二十萬億那由他。而多恆河沙矣。眉間下。三。

眉毫。須彌山廣八萬四千由旬。三百三十六萬里遠。其高

辛²明觀

壬¹直令中上根總以身心觀

癸¹觀佛身

子¹別明身相

丑¹身色

丑²形量

丑³眉毫

丑⁴紺目

子 ² 總判難思	寅 ⁴ 益
丑 ¹ 真空觀	寅 ² 好
丑 ² 理事觀	寅 ³ 光
丑 ³ 周遍觀	

亦爾。白毫旋轉。五倍於此。佛眼下。四。紺目。須彌東面一海。闊八萬四千由旬。合南西北。共三十三萬六千由旬。須彌山外。七海環列。一海如此。餘六例然。共二百三十五萬二千由旬。會玄引百法鈔云。娑竭羅海。闊三億二萬二千由旬量。彼一鹹海尚爾。況此四面七香海耶。青白者。山南海水。同琉璃色。青也。山北海水。同頗梨色。白也。身諸下。五。毛孔。光如須彌者。具衆寶色故。彼佛下。六。圓光中。先。形量。大千世界。復有百億。圓遍量大可知。於圓下。次。化佛。一下。三。化衆。無量下。七。相好。四。一。相。一下。二。好。一下。三。光。皆八萬者。轉塵勞成智德故。一下。四。益。佛念衆生。如母憶子。故相好中光明一一照攝念佛人也。其光下。次。總判難思。化佛相好光明。離言說相。真空觀也。從於一心想中。觀佛無量相好。理事觀。

子³₁結顯觀益
丑¹₂顯益

丑²₂結觀

癸²₁觀佛心

子¹₁觀身

也。由自身眼。廣狹自在。八萬相好。隱顯俱成。周遍觀也。此唯根熟大乘智眼知見。非是初機凡小心力能及。見此下。三。結顯觀益。先顯益。昔普廣問佛。十方俱有佛土。何以獨讚西方。佛言。閻浮提人心多雜亂。令其專心一境。乃得見佛往生。念一佛功德。與念無量佛功德無二。即是念一佛中。能見過去未來現在諸佛。作是下。次。結觀。以觀下。次觀佛心。先舉觀身。全悲心應現。故云觀身見心。親愛歡念曰慈。與樂德也。憐愍惻怛曰悲。拔苦德也。各有三相。一。生緣慈。緣一切衆生。如父母六親。二。法緣慈。緣一切諸法。皆從因緣生。三。無緣慈。不住法相及衆生相。悲三例知。佛心無形。依性德顯。故云大慈悲是。運同體慈。度諸衆生。而亦不取衆生相。亦不限劫數。故云無緣慈攝衆生。三昧經言。諸佛心者。大慈悲是。慈悲所緣。緣苦

子²明益

衆生。若見衆生受苦惱時。如箭入心。欲拔其苦。既諸佛以衆生爲身心。則如來外身內心。衆生皆可隨順而觀矣。觀心亦三。謂如來藏心。性本空寂。離心緣相。眞空觀也。具恆沙性德。攝諸衆生。無礙觀也。一一德性。徧滿法界。無壞無雜。含容觀也。作此下。二。明益。諸。助語辭。佛慈悲心。即與真如。平等無二。徧一切處。一切衆生。不念彼此。

究竟寂滅。衆生依於三昧觀之。現前尚能見佛得忍。況他世耶。如勢至云。我本因地。以念佛心。入無生忍。是故下。二。轉爲下鈍根從一相好入。二。初。即一明多。從一入者。

多則境繁心散。難成三昧故。眉間白毫者。指前白毫宛轉

五須彌相。自然現者。一。光中現八萬相好。二。一毫相現。一切相好皆現。見無下。二。即此見彼。益有二。一。見佛。

楞伽明諸佛有四平等。謂字。語。身。法。故見一佛身。即

癸²即此見彼

壬²轉爲下鈍根從一相好入
癸¹即一明多

見諸佛身也。二。得記。見佛聞法。自得心開而受荅矣。身上明現益。心中明後益者。交互言耳。是爲下。三。結成。作是下。四。揀顯。

十、觀音觀

佛告阿難及韋提希。見無量壽佛了了分明已。次亦應觀觀世音菩薩。此菩薩身長八十萬億那由他由旬。身紫金色。頂有肉髻。項有圓光。面各百千由旬。其圓光中。有五百化佛如釋迦牟尼。一一化佛。有五百化菩薩無量諸天以爲侍者。舉身光中。五道衆生。一切色相。皆於中現。頂上毗楞伽摩尼寶以爲天冠。其天冠中。有一立化佛。高二十五由旬。觀世音菩薩。面如閻浮檀金色。眉間毫相。備七寶色。流出八萬四千種光明。一一光明。有無量無數百千化佛。一一化佛。無數化菩薩以爲侍者。變現自在。滿十方世界。

臂如紅蓮華色。有八十億微妙光明。以爲瓔珞。其瓔珞中。普現一切諸莊嚴事。手掌作五百億雜蓮華色。手十指端。一一指端。有八萬四千畫。猶如印文。一一畫。有八萬四千色。一一色。有八萬四千光。其光柔軟。普照一切。以此寶手。接引衆生。舉足時。足下有千輻輪相。自然化成五百億光明臺。下足時。有金剛摩尼華。布散一切。莫不彌滿。其餘身相。衆好具足。如佛無異。唯頂上肉髻。及無見頂相。不及世尊。是爲觀觀世音菩薩真實色身相。名第十觀。佛告阿難。若欲觀觀世音菩薩者。當作是觀。作是觀者。不遇諸禍。淨除業障。除無數劫生死之罪。如此菩薩。但聞其名。獲無量福。何況諦觀。若有欲觀觀世音菩薩者。先觀頂上肉髻。次觀天冠。其餘衆相。亦次第觀之。悉令明了。如觀掌中。作是觀者。名爲正觀。若他觀者。名爲邪觀。

庚¹⁰
觀音觀

辛¹
標境

壬²
明觀

癸¹
別顯

癸¹
身形

子¹
量

子²
色

癸²
頂髻

癸³
光明

子¹
頂光

丑¹
形量

丑²
化佛

子³
侍者

子²
身光

先。標境也。見句結前。次句生後。觀聽十方圓妙明音。自行號。令彼十方苦惱衆生。觀其音聲。即得解脫。利他號。此下。次。明觀。二。初。別顯。十。一。身形。初。量。較佛身短少恆河沙者。例如東方淨光莊嚴界中。淨華宿王智佛。身長六百八十萬由旬。妙音菩薩。四萬二千由旬。此土釋尊丈六。人身八尺。身紫下。二。色。頂下。二。頂髻。項下。三。光明。中二。先。項光。又三。初形量。十方面各十萬由旬。量也。其下。二。化佛。皆如釋尊丈六金身。具三十二相。一下。三。侍者。舉下。次。身光。合修羅在人天中名五道。開之名六道。色相通二。一。五道身色。二。青等五色。又正法念經云。心如畫師。畫出五彩。黑即地獄。癡情純厚。黑業報故。青即餓鬼。多慳貪故。赤即畜生。多瞋害故。人天白者。多造白業。報感善故。修羅黃者。居人畜間。

癸⁴天冠

子¹明寶體

子²顯化佛

子³出形量

癸⁵面色

癸⁶眉毫

子¹根本光色

子²眷屬光相

丑¹種數

丑²化佛

丑³侍者

癸⁷臂色

癸⁸瓔珞

子¹道數

子²現境

癸⁹掌指

子¹掌色

子²指相

寅¹畫

寅²色

寅³光

寅⁴益

雖行施善。好勝妒他故。今於光中現者。令知五道非他。唯自一身心造。弗以大悲光照。不能離苦得樂也。頂下。四。

天冠。三。初。明寶體。其下。二。顯化佛。觀音三昧經云。

昔已成佛。號正法明。今作菩薩。爲行淨業。冠有佛者。表帶果行因也。高句。三。出形量。觀下。五。面色。眉下。六。

眉毫二。初。根本光色。流下。二。眷屬光相。四。先。種數

也。一下。次。化佛。一下。三。侍者。變下。四。神變。臂下。

七。臂色。有下。八。瓔珞。初。道數。其下。二。現境。莊嚴

依正妙寶相也。手下。九。掌指三。先。掌色。手十下。次。指

相四。一。畫。一下。二。色。一下。三。光。其下。四。益。

敬愛不捨。謂之柔軟。以下。三。手用。舉下。十。足相。初。

舉足。二。先。輪相。自下。次。臺光。下足下。二。下足。其

下。二。總例。二。初。餘相同。指八萬相好。唯下。二。頂髻

子³手用

癸¹⁰足相

子¹舉足

寅¹輪相

子²下足

壬²總例

癸¹餘相同

癸²頂髻異

辛³結成

辛⁴揀顯

子¹顯利益

子²明觀法

子³揀邪正

異。肉髻。相也。無見頂。好也。寶積經明。應持菩薩用神力。上觀三十二恆沙世界。不能見佛頂。故云無見頂。此大小相。極果所得。示居因位。故劣於佛。以上總別相觀。根境圓融。無對所對。真空觀也。從真起應。空不異色。無礙觀也。一一相好。微妙含容。周遍法界。遍容觀也。是爲下。三。結成。亦是應真身色。非化相也。佛下。四。揀顯。三。

一。顯利益。禍。現在災橫。一也。業障。過去惡因。二也。罪。未來苦報。三也。獲福。遍周三際。四也。楞嚴云。能令衆生。持我名號。與彼共持六十二恆河沙諸法王子。二人福德。正等無異。悲華云。衆生受苦。稱我名。聞我號。爲我天耳天眼所聞見。不得免苦者。不取正覺。聞名福爾。觀身可知。若有下。次。明觀法。八萬相好中。爲一耶。爲多耶。衆內。爲總耶。爲別耶。故此釋云。十門中。先肉髻不及佛。

表現行因。當成佛果。令知是心作佛義也。次天冠立一佛。表本成佛。迹居補處。令知是心是佛義也。其餘如經次第。作法界觀觀之。作是下三揀邪正。

十一、勢至觀

次觀大勢至菩薩。此菩薩身量大小。亦如觀世音。圓光面各百二十五由旬。照二百五十由旬。舉身光明。照十方國。作紫金色。有緣衆生。皆悉得見。但見此菩薩一毛孔光。即見十方無量諸佛淨妙光明。是故號此菩薩名無邊光。以智慧光。普照一切。令離三途。得無上力。是故號此菩薩名大勢至。此菩薩天冠。有五百寶華。一一寶華。有五百寶臺。一一臺中。十方諸佛淨妙國土廣長之相。皆於中現。頂上肉髻。如鉢頭摩華。於肉髻上。有一寶瓶。盛諸光明。普現佛事。餘諸身相。如觀世音。等無有異。此菩薩行時。十方

庚¹¹
辛¹
庚¹¹勢至觀

辛²
觀

壬¹
舉所觀相

癸¹
別列五種

子¹
身形

子²
頂光

丑¹
形量

丑²
照量

世界。一切震動。當地動處。有五百億寶華。一一寶華莊嚴高顯。如極樂世界。此菩薩坐時。七寶國土。一時動搖。從下方金光佛刹。乃至上方光明王佛刹。於其中間。無量塵數。分身無量壽佛。分身觀世音大勢至。皆悉雲集極樂國土。覆塞空中。坐蓮華座。演說妙法。度苦衆生。作此觀者。名爲觀見大勢至菩薩。是爲觀大勢至色身相。名第十觀。觀此菩薩者。除無數劫阿僧祇生死之罪。作是觀者。不處胞胎。常遊諸佛淨妙國土。

次句。境也。梵語摩訶那鉢。此云大勢至。思益云。投足之處。震動三千大千世界。及魔宮殿故。此下。觀也。於中二初。舉所觀相。三。先。別列五種。五。一。身形。長大。八十萬億。短小。缺恆河沙。例前觀音。圓下。二。項光。初。形量。十方共有一千二百五十由旬。大也。二。照量。十方共

子³身光

丑¹光色

丑²見益

丑³成名

子⁴天冠

丑¹華

丑²臺

丑³相

子⁵頂髻

丑¹髻色

癸²瓶光佛事

癸³總例觀音

癸³重明行坐

子¹行相

丑¹地動

丑²華嚴

之亦有二千五百由旬。遠也。舉下。三。身光。初光色。有
下。二。見益。有緣見者。揀無緣衆生。雖近而不見也。滅三
障曰淨。證三德曰妙。是下。三。成名。真實智光照理。令一
切證真。方便慧光照事。令一切斷惑。故號無邊光也。求
上勢。令他得佛十力。化下勢。令他永離三途。故號大勢至
也。此下。四。天冠。初。華。蓮華也。一下。二。臺。一下。
三。相。佛。正報。土。依報。頂下。五。頂髻。二。先。髻色。

鉢頭摩。此云紅蓮花。於下。次。瓶光佛事。謂諸佛化度衆
生事。如八相等。餘下。次。總例觀音。指面臂眉毫掌指瓔
珞也。前則是心是觀音。今則是心作勢至。知佛菩薩。皆唯
心造矣。此下。後。重明行坐。二。先。行相中。初地動也。

當下。二。華嚴也。他方動處蓮花莊高如樂土者。大本云。
風吹散花。遍滿樂土。隨色次第。而不雜亂。柔軟光澤。馨

子²₁坐相

丑¹₂地動

丑²₃佛集

丑³₁法演

香芬烈。足履其上。蹈下四寸。隨舉足已。還復如故。華用已訖。地轍開裂。以次花沒。清淨無遺。隨其時節。風吹散花。如是六反。此下。次。坐相。三。初。地動。從下。二。佛集。金光佛者。表金剛般若智。能斷衆生諸煩惱故。光明王者。表二無礙智。遍照法界。拔苦與樂。得自在故。眾塞。徧滿也。此則釋迦三變淨土。安置分身。彼則眾塞其空。多也。可知。坐下。三。法演。宣說苦空。深達實相。名爲妙法。三輩九品。未盡變易。名爲度苦。統上本末身相。以色性即智故。色體無形。說名智身。真空觀也。以智性即色故。現色無齊。說名法身。理事觀也。以色心不二故。隨心能示菩薩身色。無量莊嚴。各各差別。皆無分齊而不相妨。非心識分別能知。名法界身徧一切時處。含容觀也。作下。二。揀能觀心。若得觀見。始信是心作勢至矣。我與菩薩。寧有間。

壬²₁揀能觀心

辛³₄結
壬¹₂滅罪
壬²遊土

耶。是爲下。結也。三聖皆云色身相者。顯非法身。以法身無有彼此色相迭相見故。報化色相。皆從法身之所現。故起信云。諸佛法身。唯是第一義諦。無有世諦境界。除下。益也。初。滅罪。阿僧祇。此云無央數。作下。二。遊土。菩薩具神足力。觀則自然蓮花化生。遊諸佛土。楞嚴勢至云。今於此界。攝念佛人。歸於淨土。行者爲觀。不亦宜乎。

十二、普想觀

此觀成已。名爲具足觀。觀世音大勢至。見此事時。當起自心。生於西方極樂世界。於蓮華中。結跏趺坐。作蓮華合想。作蓮華開想。蓮華開時。有五百色光來照身想。眼目開想。見佛菩薩滿虛空中。水鳥樹林。及與諸佛。所出音聲。皆演妙法。與十二部經合。若出定之時。憶持不失。見此事已。名見無量壽佛極樂世界。是爲普觀想。名第十二觀。無

量壽佛化身無數。與觀世音及大勢至。常來至此行人之所。

庚¹²普想觀
辛¹明觀

壬¹結前
壬²正示

癸¹約入觀位以明觀想初後

子¹生方想
子²開合想
子³光照想
子⁴見佛想
子⁵聞法想

此下。先明觀。二。初。結前。謂上二觀成時。則於二大士身。名爲具足觀色相也。見下。二。正示。二。先。約入觀位以明觀想初後。五。一。生方想。謂於自心中。當起觀想三聖來迎。或持金剛臺。或執紫金臺。自身趺坐蓮花臺上。生於樂界也。作下。二。開合想。合如托胎。開如出胎。上品蓮花爲父母。身化生矣。問。此與上中上下二品何別。答。此就心行因言。彼約輩品果判。又合如彈指頃。到彼即開。不待經宿。誰謂其非上品上生耶。蓮下。三。光照想。照身。法身頓爾成就也。目開。慧眼應時清明也。見下。四。見佛想。滿空中者。即前所觀三聖具足色身相也。水下。五。聞法想。法界真如藏心。真空第一義諦。聞已即悟無生忍者。

癸²就出定境以判功德淺深

辛²
成結
辛³
顯益

名曰妙法。三藏十二部。一切修多羅。蓋詮此也。故云與合。前明是心作佛。是心是佛。豈非演妙法乎。與經合乎。若下次。就出定境以判功德淺深。憶持。謂聖相法音。然此了了得見。非前觀想可比。故名此爲真實知見。是爲下。

二成結。三聖正報。樂國依報。與自身往見。同時具想。故名爲普觀。真如界內。無佛無生。絕相觀也。緣起法中。有名有聖。無礙觀也。依正遍含。自他攝入。含容觀也。無下。三顯益。佛法界身。入一切衆生心想中。是故心想佛成就時。三聖化身。常來至此所也。

十三、雜想觀

佛告阿難及韋提希。若欲至心生西方者。先當觀於一丈六像。在池水上。如先所說無量壽佛身量無邊。非是凡夫心力所及。然彼如來宿願力故。有憶想者必得成就。但想佛

像。得無量福。況復觀佛具足身相。阿彌陀佛神通如意。於十方國變現自在。或現大身滿虛空中。或現小身丈六八尺。所現之形。皆真金色。圓光化佛。及寶蓮華。如上所說。觀世音菩薩及大勢至。於一切處。身同衆生。但觀首相。知是觀世音。知是大勢至。此二菩薩。助阿彌陀佛普化一切。是爲雜想觀。名第十三觀。

先觀。二。初。佛身。二。先丈六像。又三。初。教觀丈六。

若有志心求生樂土者。當於一處。繩床西向。跏趺端坐。項脊相對。不昂不偃。調和氣息。定住其心。直想彌陀丈六金軀。坐於花臺。在水池上。專繫眉間白毫一相。猶如珂雪。長一丈五尺。外有八楞。周圍五寸。其毫中空。右旋宛轉。如瑠璃筒。從此發光。瑩靜明徹。顯映金顏。堅久其觀。白毫一見。彌陀相好。自然當現。斯是釋尊別示初心。從易觀。

庚¹³
雜想觀

辛¹
先觀

壬¹
佛身

癸¹
丈六像

子¹
教觀丈六

佛入門之要術也。如下。二。揀前具相。指前第九觀也。非是凡夫心力及者。起信云。一者。依分別事識。凡夫二乘心所見者。名爲應身。以不知轉識現故。見從外來。取色分齊。不能盡知故。二者。依於業識。謂諸菩薩。從初發意至究竟地。心所見者。名爲報身。身有無量色。色有無量相。相有無量好。所住依果。亦有無量種種莊嚴。隨所示現。即無有邊。不可窮盡。離分齊相。若離業識。則無見相。以諸佛法身。無有彼此色相迭相見故。諸佛如來。唯是法身第一義諦。離於施作。釋曰。論應身。即化身。亦名劣應身。是今經文六像也。論報身。即他受用身。亦名勝應身。是今經由旬身也。唯識云。隨菩薩所宜。變爲淨土。或小或大。或劣或勝。前後改轉。他受用身。依之而住。能依身量。亦無定限。故勝應佛。非凡小心所能及也。但想下。三。總顯觀

辛³
結

癸²大小化
子¹能化本
子²所化跡
丑¹大化
丑²小化
丑³形色
丑⁴蓮花

壬²
二聖

福。佛像。丈六也。具足。由旬也。阿彌下。次。大小化。二。
 一。能化本。或下。二。所化迹。四。一。大化。或下。二。小
 化。約教判之。八尺。凡小見也。丈六。始教三乘見也。恆
 沙由旬。終教見也。滿虛空中。頓教見也。是法界身。神通
 如意。於十方國。變現自在。圓教見也。所下。三。形色。圓
 下。四。蓮花。佛花大小不定。隨本身現起故。觀下。二。二
 聖。此亦明池水上及樹下者。故云身相同生。觀首相者。頂
 上天冠中有一立化佛者。觀音也。頂上天冠中有一座寶瓶
 者。勢至也。助化一切者。佛身既隨衆生心。菩薩亦應所知
 量故。是爲下。後結。雜想者。有二意。根鈍觀佛菩薩勝相
 不成者。令捨前大。觀今丈六等像。一也。根利觀前勝相已
 就。令其更觀大小化用。使德位增進。勝劣無殊。二也。九。
 十。十一。偏觀三大像。第八。總觀三大像。此則雜觀三聖。

大小像。十二中。加行人往生。故前後觀境。各不相濫。若以法界觀之。性空即是佛菩薩。真空觀也。隨心現起不定形。理事觀也。主伴同時遍無盡。含容觀也。

十四、上生觀三 初標

庚¹⁴_上生觀

辛¹_標

佛告阿難及韋提希。

一者。令勝根上求下化。中修萬行。求生淨土。下鈍信不可。以少善根福德因緣。得生彼國。二者。令知上輩善品內。復有上中下三類不同。故告之也。

二、釋三 初、上品上生

辛²_釋

壬¹_上品上生

上品上生者。若有衆生願生彼國者。發三種心。即便往生。何等爲三。一者至誠心。二者深心。三者迴向發願心。具三心者。必生彼國。復有三種衆生。當得往生。何等爲三。一者慈心不殺。具諸戒行。二者讀誦大乘方等經典。三者修

癸¹標境
癸²明觀
子¹因
丑¹發心
寅¹標
寅²徵
寅³釋

行六念。迴向發願。願生彼國。具此功德。一日乃至七日。即得往生。生彼國時。此人精進勇猛故。阿彌陀如來。與觀世音大勢至。無數化佛。百千比丘聲聞大眾。無量諸天。七寶宮殿。觀世音菩薩執金剛臺。與大勢至菩薩。至行者前。阿彌陀佛。放大光明。照行者身。與諸菩薩。授手迎接。觀世音大勢至。與無數菩薩。讚歎行者。勸進其心。行者見已。歡喜踊躍。自見其身乘金剛臺。隨從佛後。如彈指頃。往生彼國。生彼國已。見佛色身衆相具足。見諸菩薩色相具足。光明寶林。演說妙法。聞已即悟無生法忍。經須臾間。歷事諸佛。徧十方界。於諸佛前。次第受記。還至本國。得無量百千陀羅尼門。是名上品上生者。

初句。標境。若下。明觀。二。先。因三。初。發心。三心。標。

寅⁴結
 丑²根行
 寅¹標
 寅²徵
 寅³釋
 丑³日期
 子²果
 丑¹臨終報
 寅¹聖境詳現

一者。直心。正念真如法故。堅久中修於萬行。名爲深心。論云。二者。深心。樂集一切諸善行故。迴向者。迴因向果也。發願者。願度自他也。迴願下利於我人。名迴向發願心。論云。三者。大悲心。欲拔一切衆生苦故。具下。結。論云。菩薩發是心故。則得少分見於法身。隨其願力。能現八相。利益衆生。故云必生。復下。二。根行。三種。標。何句。徵。一下。釋。一中。不殺。是大小乘戒之根本。求生樂土之首業。深心開出。二中。博究大經。解無量義。誠心開出。三中。佛法僧天施戒。名六念。前四念他。三寶諸天恩也。後二念自。行止二善德也。此通誠深二心。向願同前悲心。生彼者。願自他同生彼樂國也。具下。三。日期。功德。指上心行二種。再加專心念佛一七。當命終時即得生也。生彼下。次。果三。初。臨終報。一。聖境詳現。楞嚴云。若飛心中。

寅²執臺迎接
寅³讚歡勸進

丑²得生報
丑³生後報

寅¹聞法悟忍
寅²界受記
寅³得大總持

兼福兼慧。及與淨願。自然心開。見十方佛。一切淨土隨願往生。今樂土業成。故終時現聖境也。觀世下。二。執臺迎接。三心六念。勇猛精進。故金剛臺以表之。觀世下。三。讚歎勸進。謂讚其已修因。進其當證果也。行者下。二。得生報。生彼下。三。生後報。三。初。聞法悟忍。起信云。若觀彌陀真如法身。當勤修習。畢竟得生。住正定故。經下。二。徧界受記。還下。三。得大總持。陀羅尼。此云總持。總一切善。持無量行。亦云遮持。遮一切惡。持無量戒。亦可總持一切淨善法義。遮持無量染惡法義也。是名句結成。

二、上品中生

上品中生者。不必受持讀誦方等經典。善解義趣。於第一義。心不驚動。深信因果。不謗大乘。以此功德。迴向願求生極樂國。行此行者。命欲終時。阿彌陀佛。與觀世音大勢

至。無量大衆。眷屬圍繞。持紫金臺。至行者前。讚言。法子。汝行大乘。解第一義。是故我今來迎接汝。與千化佛。一時授手。行者自見坐紫金臺。合掌叉手。讚歎諸佛。如念頃。即生彼國七寶池中。此紫金臺。如大寶華。經宿則開。行者身作紫磨金色。足下亦有七寶蓮華。佛及菩薩。俱時放光。照行者身。目即開明。因前宿習。普聞衆聲。純說甚深第一義諦。即下金臺。禮佛合掌。讚歎世尊。經於七日。應時即於阿耨多羅三藐三菩提得不退轉。應時即能飛行徧至十方。歷事諸佛。於諸佛所。修諸三昧。經一小劫。得無生忍。現前受記。是名上品中生者。

先。境也。不下。次。觀。二。初。因。持誦方等。上生修者。善解一義。當中生行。起信云。或有衆生。廣聞經論。而得解者。或有衆生。文多爲煩。少聞而取解者。前則文義雙

壬₂上品中生

癸₁境

癸₂觀

子₁因

子²果丑¹臨終報丑²得生報

持。次則唯義持矣。第一義心者。本如來藏法界心也。唯識頌云。此諸法勝義。亦即是真如。常如其性故。即唯識實性。信得是心是佛。故不驚動。了知十界因果。皆唯心造。名爲深信。絕不猶豫。是心作佛之理。故不誹謗。兼顯上生中且能讚念三寶諸天也。深信。是信。功德。是行。願生。是願。淨土三寶糧備矣。行此下。二。果。三。一。臨終報。

紫金臺者。起居註云。金剛寶。生於金中。百鍊不銷。尼乾經云。帝釋金剛寶能滅阿修羅。則金剛。天上所寶重。紫金。人間爲尊貴。由解世間道中第一義性。較前雖劣。望後則勝。故以此表之。傳持淨業。故讚法子。直指人心是佛。念必成佛。名行大乘。行者下。二。得生報。十指齊對。名爲叉手。一合掌不叉手。二叉手不合掌。三掌亦合。手亦叉。四不叉手。不合掌。今是第三雙亦也。佛以衆生爲心。令九

丑³生後報

寅¹華開光照

寅²聞法讚佛

寅³進覺修定

界歸佛界。故歎諸佛。此紫下。三。生後報。四。一。華開光。
 照。經宿開者。揀上生中隨到隨開也。紫金色者。彌陀佛
 身。夜摩天閣浮檀金色。觀音面雖閻浮檀金。而身是紫金
 色。則行者同菩薩身矣。光照目開者。行人與佛。氣分交
 接。即凡夫身眼。成佛身眼也。因前下。二。聞法讚佛。衆
 聲。指水光林鳥。非佛願行。寧充法喜。故讚歎。經下。三。
 進覺修定。不退。進覺也。起信云。若人專念阿彌陀佛。所
 修善根。迴向願求生彼世界。即得往生。常見佛故。終無有
 退。小本云。衆生生者。皆是阿鞞跋致。法藏願云。我作佛
 時。聞我名號。歸依精進。於諸佛法。永不退轉。阿耨至菩
 提。此翻無上正等正覺。菩提。覺。揀三途不覺。攝人天乘
 果。三。正。揀凡外不正。攝聲聞辟支乘果。三藐。正等。揀
 二乘定性不等。攝始終頓圓菩薩乘果。阿耨多羅。無上。揀

寅⁴得忍受記
癸³結

大乘等覺已還菩薩有上。攝妙覺一佛乘果。此於二佛果中。屬智果。轉煩惱而成者。應時下。修定也。楞嚴等百千三昧。無不歷具。故云修諸。經下。四。得忍受記。諸佛現前。與受果記。名現前記也。是名句。後。結也。

三、上品下生

上品下生者。亦信因果。不謗大乘。但發無上道心。以此功德。迴向願求生極樂國。行者命欲終時。阿彌陀佛。及觀世音大勢至。與諸菩薩。持金蓮華。化作五百佛。來迎此人。五百化佛。一時授手。讚言。法子。汝今清淨。發無上道心。我來迎汝。見此事時。即自見身坐金蓮華。坐已華合。隨世尊後。即得往生七寶池中。一日一夜。蓮華乃開。七日之中。乃得見佛。雖見佛身。於衆相好。心不明了。於三七日後。乃了了見。聞衆音聲。皆演妙法。遊歷十方。供養諸佛。

於諸佛前。聞甚深法。經三小劫。得百法明門。住歡喜地。是名上品下生者。

壬³上品下生

癸¹標境

癸²明觀

子¹因

子²果

丑¹終報

丑²生報

寅³後報

寅¹花開見佛

寅²聞法得果

初。標境。亦下。二。明觀。二。先。因。即心即佛。故信而不謗。即佛即心。故發無上心。願與法界衆生同生西方。成等正覺。名之曰道。對前上中。缺於持經解義二種。功德。發心念佛。持戒行施等。行者下。次。果。三。初。終報。但發真正菩提道心。故以金蓮爲表。然不能持經解義。安了達實相果理。豈如前之花中有臺也。眼等五根。不緣五塵。破滅五百煩惱。信等五根。出生五力。成證五百佛法。故五百佛爲表。然不能得六根中千二百功德。如來藏中恆沙性德。豈如前之千佛無數佛耶。化佛讚發心者。由依四諦境。發四弘誓願。此菩提願。即佛心故。見此下。二。生報。一日下。三。後報。二。初。花開見佛。上則到時即見。中則經

宿乃見。此則七日中見。至三七後見之究竟者。蓋心願雖發。未能稱真修八萬行。轉塵勞成相好故。聞衆下。二。聞法得果。供佛聞法者。生前不能廣修福慧。故於極樂遊後。歷事諸佛。滿足三嚴也。百法明門者。大乘家五位百法也。名數如百法論。總顯三界所有。唯識所現。歡喜。初地名。初得超凡夫地。入菩薩位。離世間趣。入出世道。如來種中。決定當得。成多欣慶。故名歡喜。華嚴明初地菩薩於一念頃。得百三昧。見百如來。百神力。動百界。照教百刹衆生。住壽百劫。知前後際各百劫事。入百法門。現百身。示百菩薩。住此地位。安有不喜者耶。是句。三。結成。

三、結

是名上輩生想。名第十四觀。

發大道心。具二利行。故名上輩。復開三者。勝劣殊故。相

壬上輩

癸¹_{上上品因果}
癸²_{上中品因果}
癸³_{上下品因果}

對揀顯之。上上品則七日七夜。讚想於佛。三心六念。讀經解義。深信因果。持戒利生。發大心願。回向求生。_{因勝也。}真佛與無數化佛來迎。乘金剛臺。到即花開。見佛聞法。悟無生忍。受諸佛記。得陀羅尼。_{果勝也。}上中品則五日五夜。一心想佛。不謗三寶。解第一義。深信因果。持戒弘法。發菩提願。回向求生。_{因中也。}真佛與一千化佛來迎。乘紫金臺。經宿花開。見佛聞法。七日後菩提不退。一小劫得忍受記。_{果中也。}上品則七日或但五夜。專意想佛。不謗法。信因果。持戒益物。發心發願。回向求生。_{因劣也。}真佛與五百化佛來迎。坐金蓮花。一日一夜花開。七日見佛。三七聞法。三小劫住初地。_{果劣也。}因果品位。雖有勝劣。望後中下。皆名上輩。大本上輩往生文云。若發無上道心。深信因果。不謗三寶。捨家棄欲。行沙門法。大修利益衆生功德。專念彌陀。願生彼

壬²₂想癸¹₁真空觀癸²₂無礙觀癸³₃周遍觀

國。眞佛與諸聖衆來迎。坐七寶蓮。住不退轉。智慧勇猛。神通自在。故此與彼義相同也。亦即前三福中第三淨業。想者。無相寂滅心中。本無上輩三品。真空觀也。不妨依無相心。造出上生行相。雖成諸有爲相。一一入無生性。無礙觀也。有爲無爲。相即自在。上品下品。主伴圓明。周遍觀也。深思之令現前。心佛衆生。盡歸法界性矣。

十五、中生觀三 初標

佛告阿難及韋提希。

告亦二意。一令中人以上者。見賢勵己。捨中以取上也。又令中人以下者。改惡遷善。欣中以厭下也。二使了中輩不善不惡類內。又有上中下三品之不同。

二、釋三 初中品上生

中品上生者。若有衆生。受持五戒。持八戒齋。修行諸戒。

不造五逆。無衆過患。以此善根。迴向願求生於西方極樂世界。臨命終時。阿彌陀佛。與諸比丘。眷屬圍繞。放金色光。至其人所。演說苦空無常無我。讚歎出家得離衆苦。行者見已。心大歡喜。自見己身坐蓮華臺。長跪合掌。爲佛作禮。未舉頭頃。即得往生極樂世界。蓮華尋開。當華敷時。聞衆音聲讚歎四諦。應時即得阿羅漢道。三明六通。具八解脫。是名中品上生者。

先境。若下。次觀中。初。因。五戒者。不殺盜婬妄言飲酒也。八戒如前。諸戒。即十戒。二百五十戒。三學之首。四諦中道也。無衆過者。一切惡不作故。四諦中集諦斷也。善根。指修道滅集言。臨命下。二。果。三。初。終報。與比丘者。持聲聞戒故。金色光者。堅修不犯故。說苦空者。常觀苦諦故。謂觀身不淨。受苦空。心無常。法無我也。出家離苦者。

壬₁中品上生
癸₁境
癸₂觀
子₁因
子₂果
丑₁終報

丑²
生報
丑³
後報

出見煩惱家。離分別惑苦。初果也。出思煩惱家。離俱生惑苦。四果也。又出三界火宅家。離分段生死苦。二乘果也。行者下。二。生報。蓮花臺者。梵語毗尼。此翻爲滅。得滅果故。或名尸羅。此云清涼。離熱惱因。得清涼果故。亦名波羅提木叉。翻爲隨順解脫。隨順有爲即有餘涅槃無爲即無餘涅槃二種解脫果故。今則終身持具足戒。成五分法身。得涅槃解脫。經云。戒淨有智慧。便得第一道。故華中有臺也。蓮華下。三。後報。四諦者。苦以業果逼迫爲義。二種生死等。集以增長無明爲事。五住煩惱等。道以除患爲功。正助道品等。滅以累盡爲名。二種涅槃等。阿羅漢。有三義。一應供。應受人天供養。乞士果也。二殺賊。殺盡諸煩惱賊。破惡果也。三無生。永無三界生緣。怖魔果也。三明者。過去宿命明。現在漏盡明。未來天眼明也。六通者。天眼。天耳。他心。宿

命。神境。漏盡。悉皆無壅故也。問。通明何別。答。智論云。直知過去等名通。委悉過去等因緣行業名明。婆娑云。天耳但是聞聲。他心緣他別想。神境即神足通。亦即身如意通。此但工巧而已。故但名通。宿命。知過去苦生厭。天眼。知未來苦令離。漏盡。現觀惑智斷證。由此三兼稱爲明也。八解脫者。一。內有色外觀色解脫。位在初禪。能脫自地及下欲界。二。內無色外觀色解脫。位在二禪。二禪內淨故。三。淨勝解身作證解脫。位在三禪。定中鍊八色光。水地火風青黃赤白極令明淨。與樂俱生故。此三於微妙五欲。無染著也。四。空處解脫。滅根本四禪及前三解脫等色。入空處定。具足而住。五。識處解脫。捨空緣識入定。六。無所有處解脫。捨識緣無所有定。七。非非想處解脫。捨無有入非想定。從空處來。並修八聖種觀。如癱瘓無常等。一一定中。

背捨不著。此四位在四空。於下地法。得捨離也。八滅盡
 解脫。滅受想諸心數法。以寂滅涅槃。安著身中。此一位過
 三界。能脫一切有緣心慮也。亦名爲八背捨。背彼淨潔五
 欲。捨離此著心也。背捨據因。解脫約果說。問。往生論二
 乘不生。此文明小種得生。成羅漢果。如何分別。答。有四
 意。一。小乘不信有他方佛色色當刪。者。不生。信者生矣。
 隨其善根。證三四果。經云。修行諸戒。回向願求。二。定性
 趣寂者。不生。不定性。或臨終回心大者。得生。是故到彼。
 先成小果。後成佛果。則彼土聲聞。皆以佛道聲。令一切聞
 者也。三。實行聲聞。不生。退菩提心二乘。則生。無漏道
 熟。一聞苦空四諦法音。便成羅漢。不須經久得大菩提。
 四。經顯始終教中大心聲聞。引攝實行。入於佛種也。論揅
 小教中愚法二乘。欲令定性。背小向大也。是名下後。

結。

次、中品中生

中品中生者。若有衆生。若一日一夜持八戒齋。若一日一夜持沙彌戒。若一日一夜持具足戒。威儀無缺。以此功德。迴向願求生極樂國。戒香熏修。如此行者命欲終時。見阿彌陀佛。與諸眷屬。放金色光。持七寶蓮華。至行者前。行者自聞空中有聲。讚言。善男子。如汝善人。隨順三世諸佛教故。我來迎汝。行者自見坐蓮華上。蓮華即合。生於西方極樂世界。在寶池中。經於七日。蓮華乃敷。華既敷已。閉目合掌。讚歎世尊。聞法歡喜。得須陀洹。經半劫已。成阿羅漢。是名中品中生者。

中句。標境。若下。明觀。先因。沙彌。此翻息慈。息惡行慈也。戒有十。即前八戒後。更加九不過中食。十不捉金銀生

壬²中品中生
癸¹標境

癸²明觀
子¹因

子²果
丑¹終報
丑²生報
癸³結成

像也。具足戒。即比丘戒。及比丘尼戒也。威儀。三千威儀也。一日一夜。揀前終身持也。戒香。五分法身香之首也。如此下。二。果。初。終報。七寶蓮者。月擇幾日。寶寶作奉。疑持。

齋戒。非盡生故。見佛。彌陀色身也。聞聲。彌陀智身也。

迦葉佛云。一切惡不作。能奉行諸善。自淨其志意。是則諸佛教。故讚言善人。諸佛教者。戒經云。過現諸世尊。能勝一切憂。皆共尊敬戒。此是諸佛法。今能受持無犯。豈不順順。行者下。二。生報。在下。三。後報。聞法。指四諦。須陀洹。此云預流。預入聖人流也。或云逆流。逆彼六塵流也。初果名。斷八十八使。離凡夫無量生死之苦。羅漢。四果名。斷八十一品。離聖人七返生死之苦。是名句。結成。

後、中品下生

中品下生者。若有善男子善女人。孝養父母。行世仁慈。此

人命欲終時。遇善知識。爲其廣說阿彌陀佛國土樂事。亦說法藏比丘四十八願。聞此事已。尋即命終。譬如壯士屈伸臂頃。即生西方極樂世界。經七日已。遇觀世音及大勢至。聞法歡喜。得須陀洹。過一小劫。成阿羅漢。是名中品下生者。

先標。若下。次釋。二。初因。先。生時修世間善。孝養。三綱中一。仁慈。五常之首。三綱立。人倫之道盡矣。五常即五戒。仁則不殺。義則不盜。禮則不婬。信則不妄言。智則不飲酒。五常行。佛教之戒傳矣。此二。三種淨業內。第一福德也。此下。次。臨終值出世法。佛土。增其外緣。令顯緣因佛性也。說願。發其內因。令顯正因佛性也。起信云。因緣具足者。所謂自有熏習之力。又爲佛菩薩等慈悲願護。能起厭苦之心。信有涅槃。修習善根。乃能進趣。問。云何

子²果丑¹生報丑²後報癸³結辛³結壬¹中輩癸¹中上品

不說回向。願求。答。既聞稱性四十八願。唯心佛土樂事。信向願往可知。聞下。二。果二。初。生報。聞者。聞慧。了因佛性開顯也。此事。指正緣二性。三因性顯。一佛乘彰。近則生方證小。遠則成佛利生。經下。二。後報。法謂苦空無常等。問。孝養仁慈。爲世出世之善基。大小乘之法本。況聞佛願。何但成小。答。厭苦心切故。速求無漏故。願先度自故。佛順本習故。法隨機解故。從小漸大故。是名句。後結。

三、結

是名中輩生想。名第十五觀。

回向願生。成自利行。故名中輩。亦分三者。高卑亦別故。

若對顯之。中上品則三日三夜。想念於佛。長持諸戒。無惡逆過。發信願心。回向求生者。因高真佛與比丘眷屬來迎。

乘蓮花臺。即生彼土。蓮花尋開。聞四諦法。得羅漢道。高
 中中品則一日一夜。觀想彌陀。及持八戒十戒或具足戒。
 發回向心。願生西方者。因中也 真佛來迎。坐七寶蓮。經七日
 開。得須陀洹。至半劫後。成羅漢果。果中也 中下品則一日或
 一夜。孝養仁慈。臨終得遇知識。指示佛土願者。因卑也 命終
 即乘蓮花往生。經七日已。遇觀音勢至聞法得初果。過一
 小劫。成阿羅漢。果卑也 因果品位雖有高卑。望彼上下。皆名
 中輩。大本中輩往生文云。若不作沙門行。但發菩提心。深
 信因果。不謗正法。爲自業苦。專念於佛。多少修善。造像
 持戒飯僧然燈。回向願生。化佛與大衆來迎。坐蓮花中。往
 生其國。住不退轉。功德智慧。故此與彼。義旨無殊。亦即
 前三福內。第二淨業也。想者。中輩三品行相。當體寂滅真
 空。絕相觀也。理實三類中生。並唯自心顯現。事理觀也。

癸²₃ 中中品
癸³ 中下品

壬²₃ 想

癸¹₃ 絶相觀
癸²₃ 事理觀
癸³₃ 含容觀

十六下品生觀三 初、標

往彼樂土見佛。

佛告阿難及韋提希。

說中生竟。又標告語者。一。令上智善根。當堅心念佛。見不賢而內自省。決定往生。又令愚鈍惡逆。亦回心念佛。聞彌陀十念之願。帶業可往。二。審下輩惡品內。更有上中下不同。又此對後二之別。亦是總告也。問。小本云。衆生者。皆是阿鞞跋致。其中多有一生補處。五逆十惡。云何得生。答。彼約果言。故唯善人。此約因論。故通惡逆。蓋由佛性是同故。不壞信種故。稱名滅業故。願生樂土故。彌陀願力故。圓實教中。並許無性闡提。悉當成佛。亦此意也。

下品上生者。或有衆生。作衆惡業。雖不誹謗方等經典。如此愚人。多造惡法。無有慚愧。命欲終時。遇善知識。爲說大乘十二部經首題名字。以聞如是諸經名故。除卻千劫極重惡業。智者復教合掌叉手。稱南無阿彌陀佛。稱佛名故。除五十億劫生死之罪。爾時彼佛。即遣化佛。化觀世音。化大勢至。至行者前。讚言。善男子。以汝稱佛名故。諸罪消滅。我來迎汝。作是語已。行者即見化佛光明。徧滿其室。見已歡喜。即便命終。乘寶蓮華。隨化佛後。生寶池中。經七七日。蓮華乃敷。當華敷時。大悲觀世音菩薩。及大勢至菩薩。放大光明。住其人前。爲說甚深十二部經。聞已信解。發無上道心。經十小劫。具百法明門。得入初地。是名下品上生者。

壬¹下品上生
癸¹標境
癸²明觀
子¹因
丑¹生時作惡
寅¹楞嚴明二
卯¹約輕重
卯²約根境
寅²摭華鈔明三
卯¹約境

下句。標境。或下。明觀中。一。因。又二。先。生時作惡。
惡業。殺盜婬妄等。惡法。刀劍穿窬等。楞嚴明二類。一。
約輕重。文云。純情。即沉阿鼻地獄。若沉心中。毀佛禁戒。
誑妄說法。虛貪信施。五逆十重。更生十方阿鼻地獄。釋曰。
純情。十惡習也。今下品上生。毀戒誑說。今下品中生。
逆重。今下品下生。二。約根境。文云。若諸衆生。惡業同
造。入阿鼻獄。六根各造。及彼所作兼境兼根。是人則入八
無間獄。身口意三。作殺盜婬。是人則入十八地獄。釋曰。
同造。六根十習。同時具造也。今下品下生。各造。根習雖
具。而不同時也。兼著。雖同時兼作。但缺而不具也。今下品
中生。後則三根三境。今下品上生。摭華鈔明善不善三品。
各通三法。一。約境。惡則於勝殺爲上。謂父母等。於劣殺
爲下。謂蚊蚋等。餘者爲中。善則於劣不殺爲上。謂蚊蚋

卯²約心
卯³約時

丑²臨終修善
寅¹聞法除罪
寅²稱名除罪

等。於勝不殺爲下。謂父母等。餘爲中。二。約心。無問善不善。但猛利心作爲上。泛爾心作爲下。餘者爲中。三。約時。若善不善。但三時無悔者爲上。作已方悔爲中。正作能悔爲下。三時欲作正作作已也。今下品上生不善。於心境時內。皆屬下品。命下。二。臨終修善。二。先。聞法除罪。知識。僧寶也。大乘。華嚴。梵網。涅槃等。十二部經題者。一。修多羅。此云契經。長行直說法相者。二。祇夜。此云應頌。重頌長行所說者。三。和伽那。此云授記。聖言說與名授。果爲心期名記。四。伽陀。此云諷頌。孤起別諷。不重頌者。五。優陀那。此云無問自說。不待請而說者。六。尼陀那。此云因緣。有人問故。爲說是事者。七。阿波陀那。此云本譬喻。如舉扇喻月。動樹訓風等。八。伊帝目多伽。此云本事。說佛本昔曾爲利生淨土事也。九。闍陀伽。此云本生。

子²果
丑¹終報
丑²生報
丑³後報
癸³結成

是說菩薩本昔受生諸因緣也。十。毗佛略。此云方廣。體相正直爲方。德用周遍爲廣。十一。阿浮達摩。此云未曾有。如來現諸神力。衆生怪未曾有。十二。優婆提舍。此云論義。逐釋所以。答其問者。除千劫者。法寶名德。不思議故。智者下。次。稱名除罪。如來萬德洪名。威力廣大。利益無窮故。此於善三法中。境屬上品。心時亦屬上也。爾下。二。果。先。終報。但聞佛法之名。不觀佛法之身。故遣化三聖來迎。作下。次。生報。經下。三。後報。甚深經者。是大乘法。非小乘也。發心。行也。初地。證也。是名下。結成。

二、下品中生

佛告阿難及韋提希。下品中生者。或有衆生。毀犯五戒八戒。及具足戒。如此愚人。偷僧祇物。盜現前僧物。不淨說法。無有慚愧。以諸惡業而自莊嚴。如此罪人。以惡業故。

應墮地獄。命欲終時。地獄衆火。一時俱至。遇善知識。以大慈悲。即爲讚說阿彌陀佛十力威德。廣讚彼佛光明神力。亦讚戒定慧解脫解脫知見。此人聞已。除八十億劫生死之罪。地獄猛火。化爲清涼風。吹諸天華。華上皆有化佛菩薩。迎接此人。如一念頃。即得往生七寶池中蓮華之內。經於六劫。蓮華乃敷。觀世音大勢至。以梵音聲。安慰彼人。爲說大乘甚深經典。聞此法已。應時即發無上道心。是名下品中生者。

初境。毀佛禁戒。盜三寶物。較前更重。猶許生方。恐人難信。故又重別以告之。或下。二。觀。先。因。二。初。生時作惡。有二。一。毀諸戒。如此下。二。造十惡。僧祇物。此云十方衆僧物。謂廚庫華果等物。係招提常住。供養過未十方衆僧者也。現前僧物者。謂衣食藥具。唯施現前十方僧

壬²下品中生
癸¹境
癸²觀
子¹因
丑¹生時作惡
寅¹毀諸戒
寅²造十惡

丑²
臨終修善

也。偷盜。身三中一。不爲弘法利生。但求名聞利養。名不淨說。攝口四也。慚愧。羞恥也。屏處造罪。不慚於天。自亦不羞。不重賢善。皆名爲無慚。顯露爲非。不愧於人。他亦不懼。不拒暴惡。皆名爲無愧。攝意三也。日積月累。名爲莊嚴。因也。此於不善心境時內。皆屬中品。地獄。果也。命下。二。臨終修善。先。罪報現前。楞嚴云。一切世間生死相續。生從順習。死從變流。臨命終時。未捨煖觸。一生善惡。俱時頓現。死逆生順。二習相交。純想即飛必生天上。純情即沉墮阿鼻獄。成論明。極善極惡。俱不經中陰。今則八熱獄相現前。下墮無間必矣。遇下。次。佛力消滅。十力者。一。是處非處力。知一切因緣果報是生處非生處。二。業智力。知衆生過現未來諸業受也。三。定力。知諸禪三昧。四。根力。知衆生諸根上下。五。欲力。知種種欲樂。六。

寅¹
罪報現前
寅²
佛力消滅

性力。知世間無數種性。七。至處道力。知一切道至處相。

八。宿命力。知百千世中。身命苦樂。壽年長短等。九。天眼力。見衆生生時死時。善道惡道。端正相醜陋相等。十。漏盡力。能知自他諸漏盡者。即已盡我生。不受後有也。此十佛悉遍知。無能壞。無能勝。故稱爲力。威即四無所畏。德即四無量心。四無礙辯等。神力者。十神通也。無作戒。爲戒身。無漏淨禪。爲定身。無漏智。爲慧身。有爲無爲二種解脱。爲解脫身。盡智無生智。知諸解脫相。爲解脫知見身。前三約因。道諦修成。後二約果。滅諦證得。於前三善法中。心時屬上。境則居中也。除八十億劫罪者。問。上生稱名聞法而滅罪少。此中但聞佛德而滅罪多者。何也。答。上則業報猶輕。除少可生。此則業報稍重。須多除得往。理實佛法。隨心應量。非情可計度故。猛火化涼風者。業障煩

子²₁果
丑¹₂終報
丑²₃生報
癸³₁結

惱。如火炎熱。佛法清涼。如甘露故。地獄吹天華者。變無間苦報爲天華樂境故。華下。二。果。先終報。如下。次生報。經下。三。後報。大乘甚深典者。談一切衆生。皆有佛性。有佛性者。皆得作佛之義也。是下。三。結。

三、下品下生

佛告阿難及韋提希。下品下生者。或有衆生。作不善業。五逆十惡。具諸不善。如此愚人。以惡業故。應墮惡道。經歷多劫。受苦無窮。如此愚人。臨命終時。遇善知識。種種安慰。爲說妙法。教令念佛。彼人苦逼。不遑念佛。善友告言。汝若不能念彼佛者。應稱無量壽佛。如是至心。令聲不絕。具足十念。稱南無阿彌陀佛。稱佛名故。於念念中。除八十億劫生死之罪。命終之時。見金蓮華。猶如日輪。住其人前。如一念頃。即得往生極樂世界。於蓮華中。滿十二大

劫。蓮華方開。觀世音大勢至。以大悲音聲。爲其廣說諸法實相。除滅罪法。聞已歡喜。應時即發菩提之心。是名下品下生者。

壬³下品下生
癸¹標境
癸²明觀

子¹因

丑¹生時作惡

先。標境。不揀逆重。十念可往。此又甚爲希有難信。故復告以勸曉也。或下。次。明觀。初。因。二。先。生時作惡。

初。惡因。不善業者。身口意三諸惡業也。五逆者。一殺父。

二殺母。三出佛身血。四殺阿羅漢。十地聖人。五破羯磨轉

法輪僧。外加六殺和尚。七殺阿闍黎。即名七遮。十惡者。謂十重惡。殺盜婬妄酒。說四衆過。自讚毀他。慳惜加毀。瞋不受悔。誹謗三寶也。諸不善者。謂四十八輕。及餘具足戒。十戒。八戒也。此於不善心境時內。皆屬上品。如此下。

二。惡報。惡道。獄鬼畜也。多劫。約罪時。無窮。約苦果。問。大本明五逆謗法不生。此經逆重得生。何也。答。釋開

寅¹惡因
寅²惡報

五義。一。大本除五逆兼謗法。不生。此經說五逆不謗法。得生。良由謗則不信。不信自不往也。二。大本揀謗淨土法門。不生。此經明謗餘佛法。而信有安樂願生彼國。肯十念者。得生。所謂疑則花不開。信則決定往也。三。大本謂下根造逆。多無重悔。罪不能懺。不生。俱舍云。愚作罪小。亦墮惡道。智犯罪大。亦能脫苦。如團鐵小。亦沈於水。爲鉢鐵大。亦能浮飄。此經謂上根造逆。必有重悔。令罪消滅。得生。涅槃云。闡提有二。一利根。於現在得善根。二中根。於後世得善根。如闍王作逆。慚愧重悔。佛爲說法。得無根信。是也。四。大本爲生前無苦。一心念。是散善力微。不能滅逆。不生。此經爲臨終苦逼。十念觀佛。是定善力強。能除重逆。得生。五。大本去一生逆謗。終亦無悔。毫無一念佛法之善。不生。此經取先修善後惡逆。或先惡逆後修。

丑²
臨終修善

寅¹
苦逼不遑念佛
寅²
至心稱名滅罪

善。臨終遇善友勸。信有西方能十稱者。得生。有此五意。
故兩經開遮不同。如此下。次。臨終修善。先。苦逼不遑念
佛。善知識者。誠中形外曰善。聞名欽德曰知。覩相奉教曰
識。又真正爲善。面會爲知。心交爲識。安慰等者。安以求
生樂土之妙法。慈也。慰以念佛離苦之教門。悲也。苦逼。
地獄惡相現前也。不惶。心中惶怖難觀也。善友下。二。至
心稱名滅罪。觀想曰念。持名曰稱。純一無間曰至心。相續
成片故不絕。一者。數之始。十者數之終。圓滿善心故具
十。南無。翻歸命。或信從。亦云度我。佛德無量。一名攝
盡。故稱時即罪除。於前三善法內。心時屬上。境則居下
也。問。云何十念。便能滅八十億劫罪耶。答。具三力故。
一。本有佛性力。如火如舟船。二。至心稱名力。如鑽如帆
楫。此二自力猛利也。三。佛願攝取力。如人如順風。此一

子²果丑¹終報
丑²生報
丑³後報

他力強勝。既因利緣強。境勝心猛。故能燒罪木而到蓮池也。法藏十八願云。乃至十念。若不生者。不取正覺。又大本云。乃至一念。至心迴向。願生彼國。即得往生。大品云。若有一人。稱南無佛。乃至畢苦。其福不盡。佛名經云。一聞佛名。滅無量劫生死之罪。此如百輛車薪。星火能燒。萬年室暗。盞燈能破。一錐千紙。一風億土。故調達獄中一稱佛時。變衆苦爲三禪樂。張善和臨終未滿十聲。惡相滅而佛來迎。鍾馗設佛像而除群雞啄面之苦。雄俊信念佛而成地獄漏網之人。一稱三稱尚爾。況十念多念者耶。命終下。

二。果。初。終報。上生念佛法寶名德。故見寶蓮。中生聞佛威德自在。故見天華。下生十稱。念念不改。故見金蓮。日輪者。因則始終至心稱念。報則佛日慧光注照。前後不輟矣。如下。二。生報。於下。三。後報。上生滅癡暗惑障。

故放大智慧光明。中生滅黑染業障。故流清白梵行音聲。

下生滅罪苦報障。故宣救苦大悲音聲。實相滅罪法者。普賢觀云。一切諸惡業。皆從妄想生。端坐念實相。衆罪如霜露。慧日能消除。若達妄想非有。罪性本空。業相轉爲實相。又何苦報之有。是句末結成。

三、結

是名下輩生想。名第十六觀。

始惡終善。缺二利行。故名下輩。亦有三者。惡固久多而善雖短少。亦有強弱之不等故。若對揀之。下上品則半日或半夜。聞經題。稱佛號。雖造十惡。然不謗法。信西方願往生者也。因強化佛來迎。坐寶蓮華。經七七日。花開聞法。發菩提心。過十小劫。登歡喜地。果強下中品則一時一刻。聞佛

相好。法身威德。雖破諸佛戒。偷僧祇物。然亦不謗法。願

癸³₃結成

辛³₃結

壬¹₁下輩

癸¹₁下上品

癸²₂下中品

生西方者也。化佛來引。坐天華中。經六劫。蓮始開。聞法

發心果中也。下下品則十念一念彌陀名號。雖造五逆十重。然

不謗淨土法門。生重悔。求安養者也。命終見金蓮花。住

在面前。引生樂界。十二劫。蓮方開。聞實相。發道心也。

因果品位。雖有強弱。望前上中。皆名下輩。大本下輩往生

文云。若不能作諸功德。但發菩提心。信因果。不謗法。不

造逆惡。專意十念。乃至一念。念阿彌陀。歡信不疑。願生

其國。臨命終時。夢見彼佛。亦得往生。功德智慧。故彼此

義相類。亦即前三福內第一淨業也。問。此經前六品明善。

後三品明惡。大本三輩。純善無惡。云何下輩與下三品齊

耶。答。十念行是相同故。輩配品正相合故。能重悔惡改善

故。捨下輩無所攝故。想者。下品法界性中。本無罪性。真

空觀也。罪性雖空。善亦不忘。理事觀也。有性無性。

癸₃
周遍觀

齊成佛道於塵方。地獄天宮。皆爲淨土於沙界。周遍觀也。事事作此三法界觀。何患乎法界土佛不見。

四、聽衆獲益

說是語時。韋提希與五百侍女。聞佛所說。應時即見極樂世界廣長之相。得見佛身。及二菩薩。心生歡喜。歎未曾有。豁然大悟。逮無生忍。五百侍女。發阿耨多羅三藐三菩提心。願生彼國。世尊悉記。皆當往生。生彼國已。獲得諸佛現前三昧。無量諸天。發無上道心。

先。見佛生喜。從初至此。四番觀見。始於金臺中。現十於方。於疑作國土。令見極樂世界。嚴顯可觀。次。則聲光中令觀彼佛彼國。淨業成就。三。於總觀樂土後。別觀聖身前。空中現三聖像。證明令起想念。四。則於此十六觀末。重見彼土淨妙。聖相端嚴。前三佛力加被見。今一自力觀想見。欲見

庚¹夫人悟忍
庚²侍女得記
庚³諸天發心

即見。名曰應時。廣長。即縱廣。直長曰縱。內之入深量也。橫寬曰廣。外之開闊量也。見始如意。故喜。向不能得。故歎。豁下。次。悟忍發心。三。初。夫人悟忍。解知是佛是心。是心是佛。故稱豁然大悟。證見是心作佛。作佛是心。故得逮無生忍。又一悟一切悟。名大豁悟。經云。理則頓悟。乘悟併銷。一切忍一忍。名無生忍。經云。初地爲八。有何階次。前佛示云。觀見彼土。心歡喜故。應時即得無生法忍。今徵夫人。信不誣矣。五下。二。侍女得記。信解佛法界身。不離衆生心想。故發心。華座蓮邦。並是法藏願力。故願生。菩提心發。當得菩提。往生願立。決定往生。故悉與記也。諸佛現前者。見無量壽佛時。即見十方無量諸佛。現前授記。亦名此爲念佛三昧。作是觀者。名爲徧觀。一切佛身觀。此即發心所感之果也。無量下。三。諸天發心。發

心有三。一。智心。離五濁惡世。證入法性天故。二。願心。度惑業苦海。超登淨義天故。三。悲心。救娑婆衆生。往生極樂天故。又依自本覺佛性。發起信行願。爲淨土貲糧。亦名爲無上道心也。問。論謂女人根缺不生。此明夫人侍女。皆悉往生。何意也。答。一。經據此土是女流。論據彼國。是丈夫。二。經約因。帶業。許不男。論約果。離欲。無有女。三。經就現身。根缺得生。論就後身。根悉具足。四。經依初往。是垢穢女身。論依轉報。是清淨六根。法藏三十五願云。其有女人。聞我名字。歡喜信樂。壽終之後。復爲女像者。不取正覺。又涅槃經說。女人信有佛性。即是丈夫。男子不信有佛性。即爲女輩。況今夫人侍女。親見佛法身耶。故大本彌陀願中。上至天人。下及地獄餓鬼畜生。蜎飛蠢動。皆得往生。經又云。衆生生者。皆住正定。以彼國中。

無諸邪聚。及不定故。宜善思之。

四、總結二種經名。令得果證分

爾時阿難。即從座起。白佛言。世尊。當何名此經。此法之要。當云何受持。佛告阿難。此經名觀極樂國土。無量壽佛。觀世音菩薩。大勢至菩薩。亦名淨除業障。生諸佛前。汝當受持。無令忘失。行此三昧者。現身得見無量壽佛。及二大士。若善男子及善女人。但聞佛名。一菩薩名。除無量劫生死之罪。何況憶念。若念佛者。當知此人。則是人中分陀利華。觀世音菩薩。大勢至菩薩。爲其勝友。當坐道場。生諸佛家。佛告阿難。汝好持是語。持是語者。即是持無量壽佛名。

先問。法空爲座。有所諮詢。不應坐故。敍禮也。白下。陳問也。當句。問經名。三淨業。十六觀。以何爲總目也。此

丁₄ 總結二種經名。令得果證

戊₁ 問
己₁ 問經名

己²問持法

下。問持法。法有三。謂心佛生。此是佛法。而兼心法衆生法也。要。謂總綱宗歸。執受在懷曰受。思慧。亦即願義。守持於身曰持。修慧。亦即行義。顯前攝耳諦聽。屬聞慧。信義也。云何者。福業。固爲三世諸佛正因之法。云何於三者中。持其宗歸。爲滅罪生方見佛祕要之術。妙觀。固爲如來奇異方便之法。云何於十六中。受其總綱。爲悟忍得記成佛要妙之道也。佛下。次。答。二。先。答二問令修證。二。

戊²答

己¹答二問令修證

卷下

庚¹答問名

初。答問名。名有二。初。名依理行立。觀行也。表法界智。及無礙權實三種智。樂土三聖。理也。表無盡法界。及中道俗真三諦理。如次配知。亦下。次。名依教果立。淨業障。教也。初福。教修人天善。事也。除報障。次福。教持二乘戒。理也。淨業障。後福。教發大乘心。事理雙通也。淨除煩惱障。今舉中以攝前後耳。生佛前。果也。前云。欲生彼者。

庚²答問持

當修三福。修淨業者。得生西方。此則初名依十六觀。次名依三淨業。亦可二名。並準觀立。初名別準六。九。十。十一。四觀。次名總準十六觀也。汝下。二。答問持。亦有二。

初名。十六觀中。則六。九。十。十一。四觀門。爲觀想之要道。

當受之無令忘。次名。三福業中。第三第二福業。爲淨

業之要術。當持之無令失。亦可第六觀。除億劫極重惡

業。第九觀。生諸佛前。得忍授記。第十觀淨除業障。第十

一觀。除無數劫阿僧祇生死之罪。當專持此法要。可也。行

下。次顯二益勸成果。二。初觀觀疑作勸。觀佛益。勸念佛成佛。

三。先直明。三昧者。觀佛想像。皆名念佛三昧也。現見者。

由觀三聖真實色相身故。若下。二。況顯。大本明聞名有五

益。一。悟法忍。二。具梵行。三。人天敬。四。得往生。五。成

佛道。則此滅罪。猶略顯耳。若下。三。結勸。數數記持謂之

己²顯二益勸成果

庚¹勸觀佛益

辛¹直明

辛²況顯
辛³結勸

憶。正屬持名事也。常常繫緣謂之念。正屬觀想觀像。兼事理也。亦通實相。理也。念佛開四益。一。成芳名。分陀利有二釋。一。叡師云。未敷名屈摩羅。將落名迦摩羅。中盛名分陀利。當知吾人身中。各具覺悟之蓮華。念佛心開了明佛性。悟佛知見。如蓮花正泛也。二。祥邁註云。分陀利。此云白蓮花。白色爲衆色之本。佛乘爲餘乘之宗。涅槃云。水生花中。分陀利最爲第一。今念實相佛。是一乘真宗。中道了義。猶如白蓮花也。人中以此立其名者。爲其處染常淨。方因即果。住佛眞理。爲物軌範故也。二。得勝友。佛菩薩身。從心想生。常觀三聖自有不退補處爲伴侶矣。三。坐道場。信得是心作佛。緣想諸佛相好正徧知海。當來畢竟坐於菩提樹下。金剛臺上。而得如來道果也。四。生佛家。覺知是心是佛。圓發三心。徧修六念。紹隆諸佛家業。安有

壬¹成芳名
壬²得勝友
壬³坐道場
壬⁴生佛家

不入佛種。親爲佛子耶。約教釋之。一。緣想境界念佛。人中下下品蓮花。信不退菩薩友。坐發心菩提道場。生變化非受用佛家。小乘教相也。二。攝境唯心念佛。爲人中下品蓮花。住不退菩薩友。坐伏心菩提道場。生亦變化亦受用佛家。大乘始教相也。三。心境無礙念佛。人中中品蓮花。證不退菩薩友。坐明心菩提道場。生受用非變化佛家。終教相也。四。心境俱泯念佛。爲人中上品蓮花。行不退菩薩友。坐出到菩提道場。生非變化非受用佛家。頓教相也。五。重重無盡念佛。人中上上品蓮花。煩惱無動位不退菩薩友。坐無上菩提道場。生圓通無障礙佛家。圓教相也。應如理思知。念既多益。何待勸爲。佛告下。次。顯淨業益。勸持得見佛。巧妙謂之好。淨念相繼。事上好也。圓觀無間。理上好也。教修三福曰語。法也。佛名。佛也。名因德。

丙₃
流通分
丁₁
先王宮流通

建。持則滅罪見佛。語能詮義。持則淨業生方。故得佛法相即。況法是佛母。佛從法生。法爲佛師。佛依法住。故持法即持佛。利益等無別也。總前四分。此經所宗。故名爲正宗分。

三、流通分二 先、王宮流通

佛說此語時。尊者目犍連。尊者阿難。及韋提希等。聞佛所說。皆大歡喜。

佛。能說人。釋迦尊也。語。所說法。自分經也。目連等。所得果。目連阿難。增道損生。夫人侍女。得忍受記。梵釋四王。發心願往。聞。聞慧。信也。信而始聞故。歡。思慧。願也。意思歡悅其所願故。喜。修慧。行也。身口慶喜此修行故。並超權小。稱之爲大。此三寧非尊者夫人所得果乎。

三種清淨人法果。三慧圓發修聞思。三資糧具信願行。經之弘通也。

可知。

次、靈山流通

爾時世尊。足步虛空。還耆闐崛山。爾時阿難。廣爲大衆說如上事。無量諸天龍夜叉。聞佛所說。皆大歡喜。禮佛而退。(以下疏文佚失)

佛說觀無量壽佛經直指疏終

南無阿彌陀佛

回向偈

願以此功德
莊嚴佛淨土
上報四重恩
下濟三途苦
若有見聞者
悉發菩提心
盡此一報身
同生極樂國

〈惜珍護愛請敬·緣結費免〉
〈量無德功·印翻迎歡〉

佛說觀無量壽佛經直指疏

印贈者——香光淨宗學會

電話：(02) 85110955

傳真：(02) 85110953

地址：台北縣三重市中興北街179號1樓

淨空法師——淨空法師專集網站
<http://www.amtb.org.tw>

淨空法師專集簡體網站 <http://www.amtb.cn>

淨空法師英文網站 <http://www.chinkung.org>

排版承印——和裕出版社

電話：(02) 24540111-7

中華民國九五年三月恭印壹仟冊結緣
佛曆二五五〇年

真誠 清淨 平等 正覺 慈悲



看破 放下 自在 隨緣 念佛

本會法寶・免費結緣・絕無託人募款義賣・敬請明察・愛護珍惜

Printed in Taiwan (This book is not to be sold.)
FOR FREE DISTRIBUTION